


64.3715
1036
2



明詞綜卷六

馮鼎位 五首

葛一龍 一首

茅維 一首

卓八月 一首

湯傳楹 四首

楊士聰 一首

萬壽祺 一首

支如增 一首

劉侗 一首

路邁 一首

吳本泰 一首

錢繼章 四首


歐陽鉉 一首

陳子龍 十七首

方大猷 一首

錢棟 一首

青浦王昶纂



夏允彝 一首

來集之一首

單恂 二首

黃周星 一首

周世臣 一首

王彥泓 一首

金俊明 一首

錢應金 二首

方以智 一首

萬日吉 一首

呂福生 一首

沈案 一首

宋存標 一首

馮鼎位

字素人江南華亭人崇禎元年拔貢生官待詔

南鄉子 花朝

曉霧知煙輕寒細雨嫩晴天紅杏枝頭鶯對語飛去昨

夜玉人春夢處

減字木蘭花

長亭淒絕去歲傷秋曾送別楊柳灣頭一曲煙波一曲

愁 高城何許正在歸鴻欲沒處滿袖西風人倚朱闌

第幾重

鹽角兒

春半

春分過也小樓昨夜棠梨花謝章臺折柳西園拾翠暗

香隨馬 午風輕鶯聲乍盈盈倡秋千初罷再相約黃

昏踏月牕下綠蛾重畫

攤破浣溪沙 郊行

遲日青驄緩轡行輕寒輕暖弄春晴細草平沙花夾道
有啼鶯嫩綠翻風煙樣軟小溪過雨鏡般明歸近黃
昏新月起晚霞生

子夜歌

上西樓曲屏暮靄記得燭花紅處自心字香消彩雲飛
散萍蹤難聚春水畫橋煙淡芳草夜夜相思路悵重來
情事依然惟有半簾淡月照人離緒酒闌後無聊短
夢尙逐紫簫聲去楊柳梢頭寒梅影裏曾看弓彎舞想
章臺信杳淒涼京兆眉嫵啼帕遺紅唾裙畱碧憔悴鶯
花主雋誰傳桃葉桃根斷腸新句

葛一龍

字震父吳縣人官雲南布政司理問

憶王孫

春風吹後滿天涯繫馬高樓春日斜歸夢悠揚隔柳花
不如他一路青青直到家

茅維

字孝若歸安人

柳塘詞話盛明以枯括之餘而涉爲詩詞者十不一工孝若獨浸淫于古其詞以宋人爲圭臬而才情又橫放傑出故一時艷稱之

浣溪沙

顧默孫納姬

四月陂塘水半扉姬人梳裹入羅幃佛樓先禮六銖衣
花午枕拋紅印起月斜爐遠篆煙微百花深處玉郎

歸

卓人月

字珂月仁和人有
磨歌詞十二卷

花草蒙拾卓珂月自負逸才詞統一書蒐采
鑒別大有廓清之力乃其自運去宋人門廡
尚遠王言遠云藥淵於詞家有意出新獨
闢生面但于宋人蘊藉處不無快意欲盡之
病

瑞鷓鴣

湖上上元

城中火樹落金錢城外湖波起碧煙夜夜夜深歌子夜
年年年節度丁年 玻璃一段湖稱聖琥珀千鍾酒號
賢自分嬾追兒女隊玉梅花下拾花鈿

湯傳楹

字卿謀吳縣人諸
生有湘中草一卷

菩薩蠻

柳塘詞話湯子卿謀多才早天著賓病秋箋
鄉謀死其友尤悔菴為文哭之并為刻湘中
草小詞特冬秀發之句 陸靈長云卿謀風
神俊美人比之杜宏治衛叔寶配下氏亦有
林下風每日暮相與登南樓燒燈置酒援豪
微咏且則成之詩詞皆幽艷故其散曲云秋
色冷曉曉明淺立銀屏弄玉箏線筆題殘無
處贈粧臺畫出小眉青

垂楊解帶圍青閣暖風微拂金鈴索燕子不知愁銜花
上小樓 璧車牽夢去江草繫心往酒困未全蘇春光
一半無

阮郎歸

玉臺曉鏡試輕涼薄施秋水粧空庭對影怯昏黃微風

吹霧裳 佩洛浦髻巫陽憑闌問海棠夜深多露倚誰
旁折來伴綺窻

鷓鴣天

一片傷心花影重美人初出曉雲宮簾前泥落常憎燕
髻側花搖數避蜂 鉤月翠暈潮紅倚煙欺雨咒東風
碧紗窻掩喁喁處塞北江南春夢中

風流子

西山晚眺

東風吹細雨斜陽外芳草未曾休奈錦纜牙檣香車寶
馬還春舊例誰事清遊聊爾爾去攜金谷酒來泛木蘭
舟雲脚垂青煙梢漲深吟魂欲斷望眼頻收 長嘒共

搔首看晚山無數圍住閒愁度盡籃輿逕裏柳岸橋頭
看三分詩料一肩林影兩行歸客幾曲春洲人逐飛鴉
爭渡月在中流

楊士聰

字朝徹濟寧人崇禎四年進士官左諭德

阮郎歸

秋雨

風吹黃葉客心驚暗雲秋雨生青山飛靄入樓輕標搖
連暮聲 沾蘆潤灑溪清疎烟藏橘橙江天千里一樽
傾蕭蕭白髮更

萬壽祺

字年少徐州人崇禎三年舉人有隰西草堂集

眼兒嬌

贈卡較書

花弄香紋春滿樓桃葉引江流箇人何事斜陽獨倚曲
曲腸柔 垂簾淡淡撲楊球私心好處投侍兒歛黛
門作意不上金鈎

支如增

字小自嘉善人
崇禎三年副榜

如夢令

春風

又見東風吹遍歲歲擾儀庭院皺了綠萍紋又皺却
花面埋怨埋怨忽地暗將人換

劉

侗

字同人麻城人崇禎七年
進士除吳縣知縣未任卒

王阮亭云同人帝京景物一書陸志與誌爲
善長水經註之繼填詞是其餘技亦非纖者
考可比

金菊對芙蓉

書壁

華紫移楓荷香在桂又成一種風光正輕寒氣候好整
衣裳幾時送却堂前燕計雲程故國煙茫遊人何事獨
勝秋色猶帶他鄉 空有迴文錦句儘聽殘白露晝過
重陽任青樓賞遍酒永歌長千里平安慵啓帳都忘却
家在湖湘蘆蓼池塘芙蓉亭沼橋柚垣牆

路

邁

字廣心宜興人
崇禎七年進士

浪淘沙

暮春閨思

花柳漫凝眸誰與同遊曉粧無力倚珠樓望斷天涯眉
黛鎖減盡風流 燕舞觸簾鈎紫語輕柔織織閒整玉

搔頭怕聽子規啼不住攪動離愁

吳本泰

字藥師錢塘人崇禎九年進士官吏部郎中有綺語歸一卷

滿江紅

和王昭儀

白雁南飛搖落盡漢宮秋色笳吹起霓裳聲斷絳河仙
闕翡翠巢空金殿裏鴛鴦瓦碎瑤臺側憶春風拂檻露
華濃都銷歇塵黯淡燈明滅語似支離說怨琵琶
空抱杜鵑啼血戍柝驚回難懷夢玉容羞照龍沙月莫
悲傷環子繫羅衣君恩缺

錢繼章

字爾斐嘉善人崇禎九年舉人有菊農詞一卷

柳塘詞話魏里錢爾斐五十二年填詞手也曾貽我菊農長短句見其編以歲月感慨係

之其詞亦整而有法

浣溪沙

春盡園林褪鬧紅陰陰靜綠意從容鬢眉俱碧住山翁
花捲半堦通履舄柳開一面出簾櫳管人閒事是東

風

又

睡損眉黃澹未添鳳屏殘麝透花尖下階幽夢背人占
柳外疎鶯聲睨皖竹邊歸燕語呢喃斜風細雨隔重

簾

浪淘沙

雲意壓山尖故故相黏繞籬敗葉夜重添不見黃花開
一點孤負陶潛 悶坐了無歡舊恨新拈西風一霎捲
茅簷欲買秋光無計可笑拾榆錢

謁金門

斜陽促彌望暮煙修竹弱柳堤邊芳草屋一汀雲影
趁取晚涼新浴碧檻薄垂冰縠小院落花香斷續月

明風簌簌

歐陽鉉 字子玉泰和人崇禎十年進士
官休寧縣知縣有野獲堂集

柳梢青 春情

春去楊花無情有思閒到牕紗暮雨急催峭寒輕透香

層慵加 小樓孤倚堪嗟風一翦雲歆髻斜燕子飛來
青梅如豆不奈天涯

陳子龍

字臥子青浦人崇禎十年進士官兵科給事
中進兵部侍郎明亡殉節 國朝謚忠裕有

湘真閣江蘇
櫺詞二卷

古今詞話大樽文宗兩漢詩軼三唐蒼勁之
色與節義相符乃湘真詞一集風流婉麗如
此傳稱河南亮節作字不勝羅綺廣平鐵石
賦心偏愛梅花吾於大樽益信 倚聲集詞
至雲門湘真諸集言內意外已無遺議柴虎
臣所謂華亭賜斷宋玉魂銷所徵短者長篇
不足耳 梅墩詞話明季詞家競起妙麗惟
湘真一集江蘇櫺諸什如咏黃昏則云青燈
冷碧紗煙盡半响愁難定咏五更則云愁時
如夢夢時愁恁角聲吹到小紅樓咏杏花則云
微寒着處不勝嬌一番弄雨花梢咏春閨則
云幾度東風春意惱深深院落芳心小皆黃

門到之句 王阮亭云大樽諸詞神韻天然風味不盡如瑤臺仙子獨立却扇時而湘真一刻晚年所作寄意更綿邈悽惻

望江南

思往事花月正朦朧玉燕風斜雲鬢上金猊香盡畫屏
中半醉倚輕紅

如夢令

紅燭逢迎何處笑倚玉人私語莫上軟金鈎畱取水沉
香霧難去難去門外杏花春雨

浣溪沙

半枕輕寒淚暗流愁時如夢夢時愁角聲初到小紅樓

風動殘燈搖繡幕花籠微月澹簾鈎廿年舊恨上心
頭

醜奴兒令

春水

赤欄橋下煙波急欲問西洲莫寄東遊千里清江一線
浮落花亂點湘紋皺昨日瓊樓今日蘭舟爲送多情
曉夜流

江城子

一簾病枕五更鐘曉雲空捲殘紅無情春色去矣幾時
逢添我千行清淚也畱不住苦匆匆 楚宮吳苑草茸茸
茸戀芳叢繞遊蜂料得來年相見畫屏中人自傷心花

自笑憑燕子罵東風

虞美人

枝頭殘雪餘寒透人影花陰瘦紅粧悄立暗消魂鎮日
相看無語又黃昏香雲黯淡疎更歇慣伴纖纖月冰
心寂寞恐難禁早被曉風零亂又春深

青玉案

海棠枝上流鶯囀試小立春風面細草凌波紅一線碧
雲凝照綠楊零亂重瑣深深院甘蕉翠滴當心捲徧
寫相思空自遣歸去枕函曾夢見一天星月滿庭風露
吹落梨花片

蝶戀花

雨外黃昏花外曉催得流年有恨何時了燕子乍來春
又老亂紅相對愁眉掃午夢闌珊歸夢杳醒後思量
踏遍閒庭草幾度東風人意惱深深院落芳心小

又

裊裊花陰羅襪軟無限芳心初與春消遣小試嬌鶯纔
半轉海棠枝上東風淺一段行雲何處剪掩過雕闌
送影湘裙展隔著亂紅人去遠畫樓今夜珠簾捲

天仙子

十二畫屏圍楚岫一縷水沉攜滿袖小桃纖甲印流霞

聽玉漏人歸後兩點橫波微暈透
荳蔻梢頭春雨瘦
雲颯暖金燈下溜鏡臺斜背解羅衣芙蓉繡丁香扣寶
袜酥温紅影皺

又

古道棠梨寒惻惻子規滿路東風濕
留連好景爲誰愁
歸潮急暮雲碧和雨和晴人不識
北望音書迷故國
一江春雨無消息強將此恨問花枝
嫣紅積鶯如織儂
淚未彈花淚滴

山花子

楊柳淒迷曉霧中杏花零落五更鐘
寂寂景陽宮外月

照殘紅 蝶化綵衣金縷盡
蟲銜畫粉玉樓空
惟有無情雙燕子舞東風

畫堂春

艷陽深染杏花梢曉煙初注櫻桃滿堂春
思捲紅綃昨夜春消
拾翠綠雲斜驛門棋紅子閒敲
無邊芳草玉驄驕人去迢迢

千秋歲

章臺西弄纖手曾攜送花影下相珍
重玉鞭紅錦袖寶馬青絲鞵
人去後簫聲永斷秦樓鳳
茜萼雙燈捧翡翠香雲擁
金縷枕今誰共醉中過白日望裏悲青塚
休

恨也黃鸝啼破前春夢

清平樂

繡簾花散難與東風算拈得金鍼絲又亂尙剩檀心一半
幾回黛蹙雙蛾斜添紅縷微波聞看燕泥欲墮柳
綿吹滿輕羅

桃源憶故人

小樓極望連平楚簾卷一帆南浦試問晚風吹去狼籍
春何處 相思此路無從數畢竟天涯幾許莫聽嬌鶯
私語怨盡梨花雨

醉紅粧 咏螢

空庭星露暗香消冷熒熒煙外飄一簾涼影點清宵明
還滅弄花梢 多情飛上翠雲翹倩他照晚粧嬌更喜
玉纖輕拂下偏不見落紅綃

方大猷

字鷗餘德清人
崇禎十年進士

南歌子

秋思

蓬鬢驚堆雪衰容艷拒霜莫持瓊管弄清商吹得萬千
林葉一時黃 誰道春如剪裁成百樣芳那知秋色是
干將天外羣峰處處割愁腸

錢棟

字仲馭嘉善人
崇禎十年進士

浣溪沙

秋思

小立幽堦數綠苔鴛鴦未繡怕人催深秋簾幙幾曾開
霜葉半隨溪鳥去寒煙獨裏暮鐘來一番消瘦自驚猜

夏允彝 字彝仲江南華亭人崇禎十年進士官吏部考功司主事明亡殉節國朝賜諡忠節

千秋歲引 麗譙

澤國微茫海濱寥廓孤城逼天角雲外龍車碧樹
懸霜前鴈字當窻落苧城花秦山月都蕭索 刺史風
流攜琴鶴暇日高吟倚軒閣灑酒新亭幾忘却三泖沙
明繞郡樓九峯嵐翠扶城郭銅壺響曉更催宛如昨

來集之 字元成蕭山人崇禎十二年舉人

玉樓春

窻外松篁初過雨半天爽氣開煙霧狂懷無計奈花飛
倚樓獨自和鶯語偏是春來無意緒隻身沒箇安排
處溪流一派送愁來山圍四面裏愁住

單恂 字質生江南華亭人崇禎十三年進士官麻城縣知縣有竹庵詞

柳塘詞話曾見葦生與同學論詞所尚當行者選旨遙深合情麗楚縱復絃中防露衿裏迴文要不失三百篇與騷賦古樂府之遺意故其竹香庵詞工於言情而藻思麗句復不猶人也

采桑子

畫簾微雨春風暮最苦今番羅袖痕斑畱待歸時逐點

看桃花門巷無人到
蹙損蛾彎手約雲鬟斜倚殘紅
第幾闌

浣溪沙

荳蔻花紅滿眼明
小簾貼燕雨如塵踏青時節又因循
倦蝶有情隨鬢躡
遠山無賴學眉顰
冷清清地奈何

春

黃周星

字九煙上元人崇禎十三年進士官戶部主事

滿庭芳

送友人還會稽

新絲方濃殘紅盡落
多情正自凝眸不堪南浦又復送
歸舟便倩江郎作賦也難寫別恨離愁
消竟久斜陽芳

草天際水悠悠
問君何處去若耶溪畔宛委山頭有

千崑競秀萬壑爭流
愧我江湖跡遍到如今仍坐書囚

遲君至開襟散髮詠月醉南樓

周世臣

字穎侯宜興人崇禎十三年進士官漢川縣知縣

應天長

春日田家樂

溪南溪北橋橫木
賴得行人影孤獨柳數圍傳新綠剛
覆三間茆屋
床頭棲野鷺
閒個籬邊眠
犢黃土矮牆
堅築安頓初添竹

蝶戀花

舟中有懷

今夜相思有幾許
又怕他宵無計安排去
野岸蕭蕭蘆

自語各天默默人無據
好事豈教長久聚強把鴛鴦
一霎分何處睡眼朦朧多惡緒披衣坐觀東方曙

王彥泓

字次回金壇人官華亭縣訓導

古今詩話王次回喜作小豔詩最多而工疑雨集二卷見者沁入肝脾里俗為之一變幾於小元白云詞不多作而善改昔人詞殊有加毫類上之致

滿江紅

眼角眉端誰道是便成拋散怕向那定情簾下訴愁腸
畔幾度卸裝垂手望無端夢覺低聲喚猛思量此際正
天涯啼珠濺欲寄語加餐飯難囑付憑魚雁隔雲山
牽挽寸心如線善病每逢春月卧長愁多向花前歎况

如今憔悴已難堪何曾慣

金俊明

字孝章吳縣人諸生

生查子

北平驛秋夜

暝轉深林瑟瑟松濤沸日落旅魂驚嘶馬停還未
燈檠獨夜情劍吼清秋氣涼月照無眠應見征人淚

錢應金

字而介嘉興人有古處堂詞二卷

憶秦娥

珠簾揭東君欲別鶯聲咽鶯聲咽亂堆柳絮平鋪荷葉
玉人午夢殘粧怯落花愁殺雙飛蝶雙飛蝶可憐風

雨送春時節

踏莎行

銅雀春深紙鳶書暖繡床無力拋鍼倦朝來不是嬾看
花羞顏怕與花相見粉釼啼痕羅消裙襖紅泉脉脉
流松澗湘琴一曲美人愁雲連猿路秋連鴈

方以智

字密之桐城人崇禎十三年進士官檢討有浮山集

憶秦娥

花如雪東風夜掃蘇堤月蘇堤月香銷南國幾回圓缺

錢塘江上潮聲歇江邊楊柳誰攀折誰攀折西陵渡

口古今離別

萬日吉

字允康黃岡人崇禎十三年進士官崑山縣知縣

踏莎行

春寒

芍藥香凝海棠絲裊東風吹透相思草綠紗深處自調
箏一絃一柱寒聲早苔滿堦庭月留昏曉萋迷碧砌
殘紅少畫梁燕子未歸來黃昏春鎖花關小

呂福生

字吉士會稽人

多麗

夜未央蛩聲一片侵床漏滴瀝雲顏雨咽譜成半枕凄
涼空悵望纖林帶月不堪聞孤雁啼霜燈淚紅殘香心
字冷難將樽酒倩疎狂恨人去天涯路遠拋却好春光
向只道相思有夢畢竟荒唐破愁煩蠅頭繡句花箋

印疊鴛鴦更關情樓西倚悶最消魂燈下凝粧月不長
圓花原易落一則也抵百年長終凝戀斜陽衰草別袂
共離鴛一點點鮫衫欲濕界破檀黃

沈 案 字木公 嘉善人

菩薩蠻


朦朧倦蝶和花睡一鈎新月啣山翠鸚鵡夢偏驚小鬢
簾外燈 畫圖披粉墨樹樹留春色忽憶舊時情雙眉

柳樣青

宋存標 字子建江南華亭人官翰林院孔目

醉花陰


香散飛花衣袖窄浪浴雙鴛翼明月愛隨人一縷紅雲
暗裏爭顏色 獨立迴廊聞太息夢裏曾相識玉指映
柔荑欲折花枝睡起嬌無力



明詞綜卷六

明詞綜卷六

明詞綜卷七



沈自炳 三首
吳 熙 一首
夏完淳 五首
徐 遠 一首
宮偉鏐 一首
吳 易 一首
關 鍵 一首
朱 一 是 二首
錢 棻 一首
魏學濂 二首
王泰際 一首
沈 龍 一首
吳聞禮 一首
沈 泓 一首
沈 藥 二首
韓曾駒 一首

青浦 王 昶 纂

朱 一 是 二首

錢 棻 一首

關 鍵 一首

魏學濂 二首

吳 易 一首

王泰際 一首

宮偉鏐 一首

沈 龍 一首

徐 遠 一首

吳聞禮 一首

夏完淳 五首

沈 泓 一首

吳 熙 一首

沈 藥 二首

沈自炳 三首

韓曾駒 一首

歸莊 一首

張綱孫 一首

周永年 一首

許友 一首

韓洽 四首

蔣平階 一首

于儒穎 一首

周積賢 二首

吳騏 一首

許南陽 二首

張天混 一首

金是瀛 一首

沈謙 十一首

李標 一首

朱一是 字近修海寧人崇禎十五年舉人有柳里詞一卷

意少年 怨別

沉沉永夜闌干芍藥嬌容沾雨分明五更夢也淚流如

許雲水漫漫江北路盼不到客帆停處鴛鴦渡邊樹
記那從此去

登燕子磯秋眺

岷峨萬里見渺渺水流東去指遠近關山參差宮闕起
滅長空煙霧南望滄溟天邊影辨不出微茫盡處嘆三
楚英雄六朝玉霸消沉無數 從古長江天塹飛艍難
渡白玉樹歌殘金蓮舞罷倏忽飛鳥走兔燕子堂前鳳
凰臺畔冷落丹楓白露但坐看狎鷗隨浪漁父扁舟朝
暮

錢蔡 字仲芳嘉善人崇禎十五年舉人

踏莎行 園居

萬乘徒空一邱儘足小園但種千竿竹蒼陰深處掩高

齋黃鸝啼過山頭屋壁掛嵇琴村疑阮曲白雲邀我

同歌宿幽花遶砌不知名柴門秋水添新綠

關鍵字六錢塘人崇禎十六年進士

鵲踏花翻落梅

澹迤瓊粧悠颺縞袂臨期腸斷風流盡憐伊似水年光

和夢心情難忘林下風前韻飄蕭絮撲玉樓遙逃離雪

擁金爐近借問玉貌幾時消損笛聲三弄空貽恨未

見杏靨梨渦柳綿桃綬早與春風趁羅浮仙夢不堪追

夜寒月冷誰傳信

魏學濂字子一嘉善人崇禎十六年進士官檢討

阮郎歸

去年拋葯種池塘今年墜粉香幾時得藕便絲長何曾

解斷腸驅燕子打鴛鴦摘蓮偷卜郎擘開多半是空

房羞看枕簟雙

浣溪沙

漠漠微寒到水濱半秋無恙似初春鴛鴦來啄影中人

柳拂浪痕輕似夢苔沿儂步細于塵釀成閑恨為誰

顰

吳易

字日生吳江人崇禎十六年進士官兵部主事授尚書明亡殉節國朝賜謚節愍有南湖倡和詞二卷

滿江紅

斗大江山經幾度興亡事業瞥眼處英雄成敗底須重
說香水錦帆歌舞罷虎邱鶴市精靈歇尙翻來吳越舊
春秋傷心切 伍胥恥荆城雪申胥恨秦庭咽羞比肩
種蠶一時人傑花月烟橫西子黛魚龍沐歎鴟夷血到
而今蘇膽向誰論衝冠髮

王泰際

字內三嘉定人崇禎十六年進士有水抱集

浪淘沙

高閣掩春殘香冷衾單滿城桃李盡朱顏自分與花同
福命長是心關 道遠寄書難盼煞平安多因身在翠
微間歸看雙鸞妝鏡裏一樣春山

宮偉鏐

字子元泰州籍海人崇禎十六年進士有采山外紀入燕集

念奴嬌

別意用辛稼軒韻

蕭娘樓畔恰匆匆過了菊花時節帆影拖霜逢小至畫
舫水嬉微怯繡閣春心芳洲密約執手何曾別玉樓人
去此情誰與傳說 漫道青邱朱簾彩毫長擅對引金
波月舊夢燕山看不盡新夢濤聲千疊喜得今宵錦屏
曾見展放雙眉折梢聲低問多情付與華髮

沈龍字友夔江南華亭人崇禎十六年進士有雪初堂集

踏莎行施公閣村居九日

水滿江天沿堤釣艇空村客遠風煙冷丹楓消翠草堂
開天晴靄出重陽景竹掃茶煙鶴窺香鼎芙蓉照面
潮紅醒一痕淡月上蛾眉松臺人散烏紗影

徐遠字屆甫嘉善人崇禎十六年進士

踏莎行

零雨初收金波乍轉搗衣雙袖臨風捲銀牀玉簫陡生
涼遲眠且撲流螢扇草綠長門荷殘別院如絲情緒
如雲亂無端蟋蟀響西堂井梧葉葉關心顫

吳聞禮字去非休寧人崇禎十六年進士

浪淘沙水宿

枕畔水泠泠併作秋聲布衾初擁別愁生風露自寒天
自遠夢隔江城篷底漏疎星何處漁燈桐江釣後一
裘輕宦海不如歸去穩炳渚蘆汀

夏完淳一名復字存古江南華亭人允彝子官中書舍人年十七以明亡殉節國朝賜諡節愍

有玉樊堂詞一卷

柳塘詞話夏存古玉樊堂詞何得之曹顧庵五集中見其詞致慷慨淋漓不須易水悲歌一時悽感聞者不能為懷留此數闕以當東京夢華錄也

卜算子

秋色到空閨夜掃梧桐葉誰料同心結不成翻就相思
結 十二玉闌干風有燈明滅立盡黃昏淚幾行一片
鴉啼月 王阮亭云寓意即工自是再來人

一翦梅 咏柳

無限傷心夕照中故國淒涼剩粉餘紅金溝御水日西
東昨歲陳宮今歲隋宮 往事思量一餉空飛絮無情
依舊烟籠長條短葉翠濛濛繞過西風又過東風

千秋歲 憶舊

幾番薄倖無限傷心景眉前事心頭病殘燈餘一點卻
把羅衣整窗檻外一枝帶雨梨花影 獨步東風靜訪

當時花徑寒悄悄花光淨人去多時也往事猶堪省飄
紅淚銀缸露滿鞦韆冷

魚遊春水 春暮

離愁心上住捲盡重簾推不去簾前青草又送一番愁
句鳳樓人遠簫如夢鴛枕詩成機不語兩地相思半林
煙樹 猶憶那回去路暗浴雙鷗催晚渡天涯幾度書
回又逢春暮流鶯已爲啼鴉妬蝴蝶更禁絲雨誤十二
時中情懷無數

燭影搖紅

辜負天工九重自有春如海佳期一夢斷人腸靜倚銀

缸待隔浦紅蘭堪採上扁舟傷心款乃梨花帶雨碾絮
迎風一番愁債 回首當年綺樓畫閣生光彩朝彈瑤
瑟夜銀箏歌舞人瀟灑一自市朝更改暗銷魂繁華難
再金釵十二珠履三千淒涼千載

沈 泓 字臨秋嘉善人崇禎十六年進士後為僧名宏堅

江城子 村居

長堤細柳隱虹橋弄笙簫伴漁樵醉倚楓林仰面掛詩
瓢釋卷正逢秋水漲臨古渡放輕舸 夕陽西下暗窗
綉鴈聲高笛聲遙碧簾涼生細雨燕辭巢隔岸篝燈孤
艇泊沽濁酒短扉敲

吳 熙 字止仲嘉善人自非水居詞三卷

臨江仙 村居

醉裏衡門聊自適短垣松竹蕭森日斜羅幕掩清陰心
孤聞遠磬愁重理瑤琴 幾點落英寒著地行來寂寞
空林有人閒坐愛微吟平橋新漲水一徑野雲深

沈 麋 字天鹿江南華亭人一作秀水人有葦庵遺集二卷詞附

如夢令 醉後題畫蘭贈陳姬

月枕紗籠酒後打點玉容柔瘦灑墨亂春粧香雨沾人
衣袖成就成就今夜風情消受

江城子 秋日行舟

浮萍灩曲小橋邊似荷錢似花鈿秋艇空人一路棹添
煙三徑高情來訪菊無事爾此身前 新生野水碧涓
涓躍魚淵釣絲牽疎柳依依坡岸弄輕妍日落殘霞分
夜影鐘斷處塔鈴傳

沈自炳

字君晦吳江人
官中書舍人

中興樂

芙蓉池上露初涼桐花月轉迴廊秋滿紋簾孤燈漏長
夢入紅樓畫牆見蕭娘覺來枕畔玉釵猶響無限思
量

更漏子

憶情人南浦去攜手向人低語眉樣淺翠衣輕鶯啼畫
舫行 香闥掩珠帷歛春剩楊花千點愁不禁黯銷魂
黃昏獨倚門

虞美人

春景

竹籬陣陣飛花雨棲燕銜香語孤雲細草小溪晴攀梅
拾豆打流鶯短橋橫 楊花一似郎情薄相見還飄泊
空餘三月斷腸春萬重山外楚江濱有行人

韓曾駒

字人穀烏程人
有悟雲齋集

虞美人

落花不爲隨春去別有閒情緒尋花偶過野人家偏是

菜花開盡見桃花 無情每恨良宵月圓少翻多缺上
弦數到下弦時問有幾多明月上花枝

歸莊 字元恭崑山人有恒軒集

王阮亭云元恭為太僕文孫詩歌行艸無不
適麗卓絕小詞疎快直逼六一原唱

朝中措 平山堂和歐公韻

山連霄漢草連空樓閣碧虛中第五泉邊試酌颯然雨
腋生風 千秋勝槩殘陽綠樹暮靄疎鐘非復當年欄
檻風流猶想僊翁

張綱孫 字祖望錢塘人

浣溪沙 紅橋

白舫青簾映碧流西風初透芰荷秋玉簫聲裏度揚州
三十四橋今寂寞隋隄芳草莫添愁如淮美酒醉紅

樓

周末年 字安期吳江人有儀響齋詞一卷

柳塘詞話安期以博洽著名家宰白川之孫
因世其家學者虞山錢氏撰列朝詩選從中
補輯與有力焉著詞規未竟而歿懷響齋詞
如宿雨指磨新月色晚風擡舉好花枝新艷
如是

山花子 夏夜

低髻攏花夢半醒重攜枕簟向閒庭何處玉簫風送遠
倚闌聽 趁着螢光看絡緯卷開珠網放蜻蜒不是夜

長愁不寐候雙星

許友 字有介侯官人
有米友堂集

眼兒媚

精魂石上憶三生
寒夜與君盟
簾前明月窗間小
飲樓上殘更
而今閒坐記芳情
麗兒較可憎
彈肩倚案低頭弄筆斜
眼挑燈

韓洽 字君望長洲人
諸生有蟾香堂集

菩薩蠻

疎簾淡月和煙入
琵琶深夜愁
弦澀莫奏踏羅裳
沙寒聞鴈娘
重衾宵夢午
夢憶蓮花浦
歸棹帶星濶
隔船

規舞鸞

又王氏園

玉鱗狼籍殘梅片
輕禽倒挂垂楊線
春沼綠波融香吹
蝶翅風
峯巒橫小翠
竹徑通幽邃
縮取六橋山移來
繡陌間

法曲獻仙音 擬周美成

遲日籠晴溫
颺薦暑入夏炎光
初爍扇翦輕紈
裙裁白
亭松吹半掀
華幕看槐柳濃陰
滿翳然似巖壑
曼寥
莫恨佳遊星分雨散
流年換憔悴
幾孤舊約
彷彿綠琴
齊記秦樓
懽笑如昨
歲月欺人
懼芳華先秋搖落
任花

開花謝離卽草元亭閣

瀟湘逢故人慢 擬王和甫

園亭晴敞正梁飛舊燕林鳴新蟬望清景無邊有青峯
迴合碧渚相連葛衣紗幘對南薰一曲虞弦起無限鄉
心別恨瀟湘夜雨朝煙 曲終也餘韻在見游魚浴鷺
山沒波聞愛禡草芊綿更穠柳垂池翠柏參天日長人
倦向北窗欹枕高眠愁魂繞滄浪雲夢片時行盡三千

蔣平階 字大鴻江南華亭人官兵部司務遷御史

浣溪沙 紅橋卽事

柳外高樓一帶遮門前偷下六萌車玉環雙臂縮紅紗

花
十二闌干閑倚遍黃鶯啼上內人斜隔江愁聽後庭

于儒穎 字致仲金壇人

浣溪沙

一片心情眼底柔倦容疎態越風流未經惆悵不知愁
鴛譜怪來鍼線減工夫強半爲梳頭日西初見下妝

樓

周積賢 字壽王江南華亭人

南歌子

玉篆沉息水金鋪卜鳳斜杜娘無力繡春紗閒倚綠萍

池畔數楊花

望江南

遙想憶殘淚濕輕紗斜倚畫樓簾半卷東風微雨落楊花腸斷七香車

吳

騏

字日平江南華亭人

蝶戀花

閨情

沈去矜云日下詞專王小令讀之不纖不詭不淺不深生色真香在離卽之間

淡月溶溶花映綠琴底離愁吹滿相思曲頻整羅裳檀釵束碧紗明滅紅膏燭玉漏聲低良夜促斗帳連鈎半挂鸞縮幅倚枕夢成風曉觸瀟瀟亂擊窗前竹

計南陽

字子山江南華亭人

花非花

同心花合歡樹四更風五更雨畫眉山上鷓鴣啼畫眉

山下郎行去

王阮亭云可作古樂府讀

如夢令

紀事

長樂晨鐘初動睡熟紫綃嬌鳳翠輦一時移十騎紅粧雲擁如夢如夢城上烏啼相送

張天澁

字止鑿江南華亭人

歸自謠

更漏歇一夜珠簾風自揭寒鴉影碎梧桐月玉關征

成音塵絕當年別江南鶯語花時節

金是癡字天石江
南華亭人

河滿子

憶在玉窗金戶彎環曉月西斜城角數聲畱不住暗香
攜得還家梁上雙棲燕子庭中一樹梨花

沈謙字去矜仁和人
有藜江詞二卷

柳塘詞話去矜列名於西冷十子填詞稱最
大意以薄倖一篇語真摯情幽折以勝人宋
歐浦特以書規之及歸我東江別集有云野
橋南去不逢人濛濛一片楊花雪此即小山
夢蒐慣得無拘束又踏楊花過謝橋也誰謂
其僅僅言情者乎

清平樂

羅帶

香羅曾寄小鳳盤雲膩要識春來腰更細剩得許多垂
地玉鈎移孔難尋有時燃着沉吟蹤蹟可知無定兩
頭都結同心

浣溪沙

繡領垂髻不解愁小眉如畫眼波秋翠球風定裊香球
窗下悔棋曾握臂帳前臨鏡看梳頭粉雲今日障紅

樓

蘇幕遮立春

樹鶯藏蘭雪擁浪說春回又被東君哄面藥口脂呵復
凍一樣愁帶便覺朝來重負深盟思好夢懶簇酥山

花影簾鉤控此夜歌樓誰與其火照堆鴉勝裏金人動

又 聞病

燕聲嬌花影醉日過窗西猶自厭厭睡一綫情絲常似
醉九十春光半擁鴛鴦破 磨銷紅眉歛翠便到沉身
總是多情淚說與東風都不會鏡子裏兒曉得人蕉萃

鵲橋仙 早梅

粉痕微垢檀痕尙淺迤邐因香尋著一枝偷采雪中春
敢鶯燕全然未覺 銀瓶水暖翠鬟手膩又把軟簾垂
卻溪橋煙冷月初斜怎消受五更寒角

月籠沙

九日題南樓壁問

簾外潺潺暮雨江邊隱隱寒潮亂鴻縹渺寄書遙滿地
黃花人病酒蜂蝶空勞 自惜明珠離掌誰憐小帶垂
腰畫樓西畔是虹橋只恐粉雲遮不斷怕殺登高

又

半暖闌邊玉手微溫帳裏蘭胸楊花漠漠水溶溶隔水
隔花看不見恨煞銀驄 旅店催將鞍卸孤衾尙覺香
濃曉鶯啼過畫樓空料得那人眠未穩斜靠熏籠

東風無力

南樓春望

翠密紅疎節候乍過寒食燕衝簾鶯睨樹東風無力正
斜陽樓上獨憑闌萬里春愁直 情思慙慙縱寫徧新

詩難寄歸鴻雙翼玉簪恩金鈿約竟無消息但蒙天捲
地是楊花不辨江南北

滿江紅

咏柳

一翦鶯梭早織就千絲萬縷最苦是蘇堤欲曉灞橋將
暮媚眼未醒開文合纖腰半倚扶難住又沉沉搭在玉
闌干和煙雨還記得長亭路曾折送行人去恁牽纏
似我別時情緒簾黑夢回應有淚樓高目斷渾無語隔
青山不見紫騮歸蒙天絮

喜遷鶯

寄俞季慄

水鳩鳴屋見春陰不散漸飛霰霖小燕初來閒花又落

故把餘香頻蹴烟迷半林深翠風翦一池輕縠憶舊日
正此時相見掌杯盈綠幽獨衰更甚雲擁亂山咫尺
歡難續王粲情多江淹才盡晚節真成碌碌途窮笑吾
增慟雅奏須君終曲春難待怕城南握手櫻桃將熟

一萼紅

春情

漫窺簾愛桃花萬樹新雨拆紅緘近水無言隨風有恨
歌斜直恁嬌憨棲不穩畫梁雙燕爲營巢終日語呢喃
似喜仍憂乍暄還冷情緒慳慳盡道西郊堪賞便倡
條冶葉誰再沾黏淚豈因花病非中酒羞稱宋玉江淹
生愛盡孤眠况味眠又起真欲似春蠶忽見隔牆山影

想殺眉尖

李標 字子建嘉善人
有東山遺稿

踏莎行

靦點飛花簷箔弱絮爐煙小誤湘簾暮春風不解動人
情人情怕送春歸去
細草粘天斜陽挂樹天涯離別
人何處休休莫更倚危欄遠山正是愁人路

明詞綜卷七

明詞綜卷八

青浦王昶纂

魏允枬 一首

張逸 一首

李元組 一首

李明嶽 一首

胡偕行 一首

程靜 三首

張大烈 二首

程可中 一首

秦瀚先 一首

錢繼振 一首

張杞 一首

于玉班 一首

沈懋德 一首

查維宏 一首

胡介 一首

顧德基 一首

俞汝言 一首

戈止 一首

孟稱舜 一首

王化龍 一首

蔣爾璵 一首

周珽 二首

邵梅芳 十二首

邵麟 一首

徐士俊 一首

艾丹生 一首

魏允桡 字交讓嘉善人有維風集

金明池 金陵懷古

燕子磯邊鳳凰山上又是狂風驟雨金砌玉階何處問
儘燕麥兔葵滿路問秦淮桂楫蘭橈却只是衰草垂垂
將暮嘆絳闕蛛縈紗窗塵漬一片晚鴉天 想王謝

風流何處便紫燕黃鶯一時無主看當日詞臣狎客空
剩得白楊黃土最傷心景物三春教苑裏蛙聲公私相
訴但渡口寒烟亭中皓月兀自依依芳樹

張逸 字泰庵嘉興人

桂枝香 寄友村居

天高氣肅正一派秋聲悲吟萬木瀟灑遠山抹翠澄溪
漾玉故人家住殘陽外小楓村低低茅屋烟生蘆渚霜
霽菊圃酒香茶熟 疎籬畔山中野服想竹欄琴韻松
窗棋局四壁清幽閒掛雲林幾幅鯉魚風起天橫雁待
一葉飛 鮑參 曲開樽長嘯池邊蟹紫牆頭橘綠

李元組

字子占嘉興人

望江東

一幅春光明更美
鶯滿院啼花碎
飛絮落紅相點綴
人立在秋千背
長思短憶供憔悴
算只有花前淚已將
心事隨流水
闌干下金釵墜

李明嶽

字青來嘉興人

阿那曲

舟中待友

幾回閒夜停機杼
支枕蓬窗風許許
吹盡蘋香不見人
繞塘寒月鷓鴣語

胡備行

字與行太人貢生

離亭燕

白下懷葉君實師

歸雁行行啼啞喚
破一宵秋夢夢醒封題忙
寄與又不
會將書送悵望碧山頭
遙囑幾聲珍重
踏遍長安何
用滿目烟雲寒凍簷外
錚錚風弄咽急戰雨聲還恐
多
少客金陵今夜離愁誰共

程一翥

字墨仙休寧人

柳塘詞話休寧程墨仙不為金粉遮障閨
蟾鋪張之語而情至之作自能沁入心脾如玉
樓春之密怨蝶戀花之憶別推闡情第一要
不數嚴次山也

西江月

秋興

盡日荷鋤治圃
有時捉杖尋泉
山翁招我坐橋邊
笑指

菊花開遍 隔岸重重竹樹近溪點點潭烟灘頭流下
小魚船轉過蘆花不見

玉樓春

子規啼過楊花路 緘淚函情無寄處 君如南浦往來潮
妾似西陵朝暮雨 當年祇恨傳金縷 何必相逢成別
苦夜深蜀國十三絃 紫女青皇私自語

錦堂春

秋怨

玉簫寒生暮雨 冰綃淚染朝霞 多情記得還家未 叢桂
已無花 譜入銀箏恨切 窺來寶鏡愁加 無端雁去書
難寄 飛盡總由他

張大烈

字言冲 錢塘人 有詩餘類函

阮郎歸

立夏

綠陰鋪野換新光 薰風初晝長 小荷貼水點橫塘 蝶衣
曬粉忙 茶鼎熟 酒卮揚 醉來詩興狂 燕雛似惜落花
香 雙衙歸畫梁

少年遊

秋思

蕭瑟秋風古渡橋 江風壯晚潮 夕陽衰柳何堪輕拆瘦
損小蠻腰 碧雲澹遠澄波靜 慘怨散林臯 山海情深
石尤風 惡留住遠征橈

程可中

字仲權 休寧人

浣溪沙

來青閣

複道懸空踏翠微
芳林過雨濕胭脂
卷簾嵐氣撲人衣
半榻午陰銷剩暑
一窗寒碧送斜暉
曲闌十二綠成圍

秦瀚先

字會洋無錫人

如夢令

九月晦日尚未得歸

亭外桂花香滿秋
芙蓉過半衰柳不禁風
黃葉亂飄無限目
斷目斷愁望故鄉偏遠

錢繼振

字爾玉嘉善人

鷓鴣子

春睡足落花平
草架茶蘼送晚晴
梅子弄黃茶炙翠
梢頭猶剩一聲鶯

張

杞

字迂公黃陂人有和花間詞

詞統西蜀南唐兩下獨開北宋之壘又轉為南宋之派花間致語幾于盡矣黃陂張迂公起而全和之使人不流于庸濫之句謂非其大力與

浣溪沙

苔草無人半入泥
妒風狂雨綠窗西
閒來夢斷苦鶯啼
蝶媚常黏飛絮浦
燕嬌慣舞落花谿
曉天深夜冷幽

閨

于玉班

字清卿金壇人

念奴嬌 茉莉

簾櫳午寂正陰陰窺見後堂芳樹綠徧長叢花事杳忽
見瓊葩丰度豔雪肌膚蕊珠標格消盡人間暑還憂風
日曲屏羅幙遮護長記歌酒闌珊微聞暗麝笑覓衣
沾露月沒闌干天似水相伴謝娘牕戶浴後輕鬟涼生
滑簟無限風流處惹人幽夢枕邊零亂如許

沈懋德 字雲嵩嘉善人
有湖日齋詞

菩薩蠻 江遊

江聲洶洶魚龍老雲情烟色從空繞千里一扁舟看完
無限秋蘋花隨浪急白鷺迎風立天外倚高樓有人

添暮愁

查維宏 字彥符休寧人
有懸藻亭詞

臨江仙

庭院深深愁幾許落花如殺東風天涯人遠思無窮綠
牕夢覺扶起玉釵鬆漫憶當年行樂處而今酒懶詩
慵捲簾悄步曲廊東惱人燕子雙舞夕陽中

胡介 初名上登字彥遠錢
塘人諸生有河渚詞

滿江紅

走馬歸來西陵下斜陽滿樹回首處酒壚猶在河山非
故久客不知家遠近重來却怪人驚顧聽啼鵲也道不

如歸歸何處。草元閣蘭臺署揚州。夢奈淮渡走人間。
未徧蒼涼日暮。惆悵迤東。丁令鶴當年華表。誰為主。但
相逢。莫負故人心。三生路。

顧德基

字用晦
常熟人

祝英臺近

飲將闌。天欲曙。無奈逼人去。唱罷陽關。折柳惹飛絮。斷
魂畫角尊前。錦帆江上。但私祝東風留住。更相覷。且
問甚日歸來。叮嚀不多句。把袂踟躕。欲判淚如雨。長年
不管人愁。揚舫方遽。知此夜棹停何處。

俞汝言

字右吉秀
水人諸生

浪淘沙

芳草徧天涯。幾引流霞。小樓宛轉暮雲遮。記得當時歌
舞地。春柳憐花。歸路一鞭斜。斷送年華。紅闌幾曲碧
窗紗。酒醒更殘燈。又地夢落誰家。

戈止

字永清嘉善人貢
生官松江府教授

風入松

漫興

生涯應作浣花翁。事事疎慵。結廬恰喜塵囂外。栽花地
雨碧。霜紅。家在亂雲深處。人來流水聲中。年年相識
舊東風。排我小簾櫺。榆錢落盡。萍錢落矣。囊在不畏詩
窮。夜泛試移短棹。曉眠常過高春。

孟稱舜 字子塞 烏程人

卜算子

回首望西陵 隔別人南浦 縹緲孤雲自往來 寂寞歸時路
路 蓼渚小鴻飛 夢斷風吹雨 江外峯青似劍鉞 難割
愁腸去

王化龍 字封可 廣漢人

蝶戀花

小院幽窗風弄曉 柳纖烟籠 開罷棠梨子 枝上流鶯啼
更早 惜花人共春花老 金鴨香深簾外裊 繡到鴛鴦
轉惹 儂情惱 鏡掩孤鸞羞獨照 眉山一點愁多少

蔣爾璵 字晉鎮 諸暨人

蝶戀花

剪剪輕雲片片霞 玉鈎織月短屏遮 黃昏風颭繡簾斜
花蕊半含多 抱蝶柳條猶軟 不勝鴉一番春夢落天
涯

周鼎珽 字上衡 嘉善人 有疑夢詞

如夢令

深院一番風起 狼籍殘紅滿地 點點露珠濃 應是別離
人淚無寐無寐 閑却半床鴛被 不眠良景 客愁對
定風波 客園看桂

蝶聲寒 鶯淡風 謝家池館 九秋中 叢桂四山 香滿院
一片粧成 金屋畫闌東 對酒不知身是客 堪惜夕陽

容易散 晴空却待夜深 明月好 須早扁舟 隔岸采芙蓉

邵梅芳

字景悅 青浦人 貢生

點絳脣

上元

車馬三更香風一帶 笙歌路月華初度 萬點春星曙

曾記當初今夜相逢處 君休去 玉簫聲住 簾捲梅花樹

柳梢青

春雨

昨夜今宵 東風不斷 細雨絲飄 暗鎖銀塘 微沾玉砌 草

綠蘭皋 落紅一溜 江潮香斷 處平蕪 畫橋楊柳 烟低

梨花雪 重多半春銷

望江南

春光好 芳草綠初齊 新雨翠搖 雕檻外 輕潮紅漲 畫樓

西約伴 著羅衣 何處去 桃李更芳菲 鳳額帳深 垂柳

帶鴉頭 襪染落花泥 憔悴踏青期

西江月

咏雪

柳絮空中 吹早梨花 監外開遲 紅爐翠幌 玉堂西 欲墮

因風扶起 望去一山 明月踏來 幾寸銀泥 春光寒峭

暮烟低 小立早梅香裏

憶漢月

咏螢

芳草誰知前度正值寒塘欲暮因風零亂玉階前偷矧
綺羅香處憐他垂柳外千萬點長堤碧樹黃昏細雨
悄無人管取夜深來去

眼兒媚

咏燕

東風一剪過池塘曾識舊紗窗烏衣未改紅妝如昨穩
上雕梁年年花下相逢處何事更商量多應是訴來
時春短別後秋長

少年遊

曉別

五更天曉漸雞鳴斜月半床橫樹杪風疎馬啼霜滑銀
漢帶疎星看他渺渺垂鞭去望裏不分明一線江流

幾層山色千里隔長亭

浣溪沙

水殿涼生咽暮蟬亭臺百尺映清泉數聲雨過小荷錢

紈扇輕搖圓似月冰綃斜映薄如烟鬢雲撩亂墮香

肩

風中柳

落花

一夜東風南陌落紅吹急正芳時畫橋寒食鞦韆庭外
挂游絲百尺怎淒涼粉愁香泣半啓朱扉又是青陰

如織更凝眸有誰憐惜但教飛去向銅溝流出及早透
三春消息

醉花陰

病起閒愁消永晝香鈕鬆金扣時節近清明燕子雙來
翠幄輕寒透杏花新雨池塘後莫道春依舊昨夜更
東風一樹海棠零落胭脂瘦

秋蕊香

落葉

門外秋聲不絕簌簌空階吹徹寒枝影亂鴉啼歇滿院
清霜斜月 和風帶雨難分別還淒切綺窗敲處燈明
減夢醒三更時節

南柯子

杏雨新沾砌梨花冷閉門幾重映色上湘紋斷送牆腰
長日又黃昏澹澹斜陽下微微碧樹分樓高莫倚數
歸人望去浮雲千里怨王孫

邵丹嶙

字雲章
青浦人

賀新涼

鴈聲

睡覺秋窗罅正閒階商飈蕭颯明蟾低亞嘹唳數聲天
際響直透茆檐竹瓦這淒怨憑誰堪話辛苦塞垣千萬
里又明星幾點湘烟挂稻梁好究須怕娟娟涼露橫
空灑好似聽哀絃密拍楚歌悲咤難比閒鷗和野鷺隨
意鱸鄉蟹舍任沙觜沿綠上下今夜重幃寒信緊又豈
棚絡緯蕭蕭者銅仙泪泫然瀉

徐士俊

字野君錢塘人
有雁樓詞一卷

柳塘詞話野君與余論詩如康莊九達車驅
馬驟易為假步詞如深岩曲徑叢篠幽花源
幾折而始流橋獨木而方渡非具騷情賦骨
者未易染指其言正為吾輩長價

好事近

剪亂海棠絲拋却春心不管楊柳那知人意惹鶯兒啼
怨臉紅眉翠不堪銷擁着半床懶二十四番花信數
春宵愈短

爰丹生

字形實
嘉善人

金明池


秣陵懷古

斷雁西風瘦驢黃葉又是關門日暮仙梵度清涼山寺

對鳳闕絳雲留處見長干寶塔翬飛總閱盡天界茫茫
塵土任沾酒南岡壚頭人老莫問少年歸去 裙屐風
流嘆如許便畫面薰衣隱囊揮塵倚司馬長城却敵空
剩春燈燕語再休言六代繁華與半壁乾坤殘棋孤注
想虎踞龍蟠江山形勢都付冷烟疎雨

明詞綜卷八

明詞綜卷九



青浦 王昶 纂

錢澄之 一首

錢光繡 一首

季孟蓮 一首

賀裳 二首

李燁 二首

王翊 一首

沈自徵 一首

沈際飛 一首

姜實節 一首

錢士賁 一首

杜濬 一首

紀映鍾 一首

陸嘉淑 一首

韓純玉 六首

周篔 六首

朱茂暉 二首

孫紹祖 一首

顧朝楨 一首

顧志 一首

裘昌今 一首

張草 四首

錢澄之 字飲光初名秉鏡桐城人

鶴冲天 題藏鮫小像和蘇粉原韻

雲沙月渚夢裏曾遊處
春草夜來生催佳句為金門待
詔摠交付漁家住
賴詩朋酒侶唱和新聲譜入舞中歌
亭 扁舟曉暮難趁秋風去
覓取故鄉鱸和煙煮又飛
觴刻燭且同聽燕山雨
吾衰心未許扶醉追歡不減舊
年情緒

錢光繡 字聖月寧波人

臨江仙 春情

酒國投時輒醉視田荒
久慵耕不堪落葉兩三聲
病從秋後減愁向雨中生
拊劍還歌白石焚香閒展黃庭
徘徊山寺又鐘鳴
鴉啼歸曉樹蛩語伴疎燈

李孟蓮 字叔無州人

滿江紅 春情

燕子何時啣去了
舊年人約鎮簾櫳
慙慙春睡東風徧
惡夜雨忽添窗外草
曉晴亂惹樓頭鵲
算贏來一段好
相思何曾學
而今事當初錯
別時淚空流
落怕歸來

重問有詞難卻天遠夢隨驄馬倦晝長人並風箏弱望

河橋萬柳織黃煙愁遮暮

賀裳字黃公丹陽人

有紅牙詞一卷
王阮亭云紅牙詠燕詞斜日拖花微風撲絮
不獨措語之工正如柳塘花鳥之詩讀之便
覺春光駢宕彭義門云紅牙一集其刻劃
迷離處西陵松柏北里菖蒲屢遺纓絕宛然
在目鄒程村云余過金閭拓庵為余言黃
公少時風流倘儻在青樓桃葉間大有佳話
醉花陰卽事入之北里志中猶令讀者想十
四樓風味也

蝶戀花暮春

薄暮銀塘風色靜閑倚雕闌自賞妙婷影一簇芙蓉相
掩映唾花落處游鱗競女伴潛呼渾未醒橫睇迴波

纔訝紅耕並飛盡殘霞天又暝柳梢笑指新懸鏡

漁家傲曉別

啼罷荒雞衰鴈接熒熒寒焰窗猶黑欲別重將酥手執
行又立門前瘦馬嘶殘月遞得金鞭紅袖濕回頭已
被疎林隔獨倚高樓看去轍鈴音絕纖腰憑久雕闌熱

李焯字赤茂嘉善人

浣溪沙

修竹天寒倚翠娥鴛鴦霜重鴈聲過更長無寐倚雲和
桃葉渡頭頻問信石尤江上怨風波人生憔悴是情

多

南鄉子 感懷

談笑解吳鉤客滿西園花滿洲記得河橋分手路悠悠
哀笛山陽幾度秋 灑落向神州極浦遙天不盡愁花

月春江渾是夢休休老作人間馬少游

王翊 字介人嘉興人布衣有二槐堂詞

陳臥子云介人詞有俊逸之韻深刻之思與昇元父子并京諸公聯鑣競逐何得有下駟調復備諸體槐堂稿遂以千計迨遭盜盡沈之江身亡無有存者余兒接聞鹿城何太初有選本求得之乃十之二三也陳大樽序之余梓之以俟世之問者

水龍吟 落花

春陽恰照空園曉鶯啼倦殘紅冷芳魂無據冰簾斜撲
亂拋芳徑力弱絲遊心疎蝶過召還煙景問餘春未遠
悠揚何事依然就風中影 門外晚寒猶逞正無聊斷
腸人醒新巢燕子脚來向濕小樓初暝露重晨雷泥香
夜葬沾衣微省更一溪暗水吹成罨畫繡萍千頃

沈自徵 字君庸吳江人

朱竹垞云沈氏多才自詞隱生璟訂正九宮譜為審音者所宗君庸亦善填詞所撰鞭歌伎滿亭秋諸雜劇概當以慷慨世有續錄鬼簿者當日為第一流

鳳凰臺上憶吹簫 閱古今名媛詩集

霧鎖春風煙埋秋月一生心事全休恰雨窗弔古檢點

鴛鴦多少名姝珠淚虛染就錦筆銀鈞傷情處金環不見玉葉空留
擡頭斜陽荒塚原來是綺閣粧樓悵塵緣雖破夢境難收說甚裁雲好手也幾度驚徹雞籌沉
吟久知音罕嗣若個能酬

沈際飛 字天羽 崑山人

虞美人 春晚

堦前嫩綠和愁長坐憶眠還想花紅破夢似相憐起望
小林殘夢損容顏 雙鶯又向愁人絮春也知歸去個
人只豔不思家生卻揚花心性落天涯

姜實節 字學在 萊陽人

臨江仙 紀遊

夢斷羅幃春睡淺小樓風竹頻敲溪流一曲抹山腰雨
香初拂柳日氣漸熈桃 笑解金龜同買醉故人雅集
金宵闌詩量酒興還饒曉鐘齊女墓殘月大姑橋

錢士賁 字巖巖 嘉善人

行香子 溪上

桃浪溶溶絲鳥晴空喜盟鷗獨自攜筇春衣催浣試付
奚童見苔痕染酒痕漬墨痕濃 水流雲去相看無盡
愛吾廬近隔溪東晚厨煙翠歸步從容有柴桑柳輞川

杏溪西松

杜 濬 字于皇 黃岡人

浣溪沙 紅橋卽事

曲曲紅橋漲碧流
荷花荷葉幾經秋
誰翻水調唱涼州
更欲放船何處去
平山堂下古今愁
不如歌笑十三樓

紀映鍾 字伯紫 上元人

風中柳 春曉

春盡荒城白水溶溶
一片小橋橫綠楊
如線幽禽罷浴
相喚平沙軟晝偏長
凭闌人倦
朱輪寶騎儘與年光
流轉問王孫歸期何晚
連山芳草遮斷天涯
面悄冥冥

珠簾頻捲

陸嘉淑 字水修 海寧人 諸生有辛齋遺稿

漢宮春 客中九日

極目平蕪見疎林
蕭颯遠水瀾洑
舉頭一聲衰鴈別淚
空彈秋容慘淡
但心傷行路艱難
何況是重陽時節
大涯風景淒然
長恨征途憔悴
嘆敝裘風雨疲馬關山
為問故園黃菊知有誰
看風吹破帽漫憑高一醉尊前
渾未解遠遊何意白雲回首江天

韓純玉 字子蘊 歸安人 有蘊廬詞一卷

虞美人

一簾花影春風夜月到
薔薇架綺疏一半晚猶開只爲
畫梁雙燕未歸來
挑燈約莫黃昏過猶自薰香坐星
河耿耿傍闌干畱取小窗相對晚妝殘

浣溪沙

手捲蝦鬚上玉鉤疎疎急雨下梧楸韶光生怕付東流
紅葉窗中無俗事白雲鄉裏有溫柔好畱雙鬢莫教

秋

菩薩蠻

夏日訪潘子見歸舟作

夾山一帶山平遠湘溪問字歸家晚荷氣晚來多斜陽
雨半簷吾生何所寄泛宅浮家去茗水碧於天孤舟

獨往還

清平樂

春來消息早過三之一乍暖餘寒無氣力二十四番風
恁日長花事相宐只愁開到荼蘼偶向晴窗弄墨拈
詩又是無題

小重山

和稼軒韻

萬頃玻璃水接空雨蓑煙笠下一漁翁荷香斷續柳西
東秋光好兩岸插芙蓉十里水晶宮有時隨浪去笑
兒童三秋幾陣鯉魚風斜陽外沉醉荻花中

江城子

眉峯煙鎖未分明過秦青恨零星一樹櫻桃微雨夢難
醒月在當頭杯在手愁似海摠填平春宵三五好心
情繞紅亭笑聲盈促席傳觴倚醉聽搗箏嫌煞銅壺銀
漏短香炷燼燭花橫

周

箕

字青士嘉
興人布衣

生查子

切切亂蛩悲暗與羈魂語深夜苦懷人臥聽芭蕉雨
煙霧障林巒秋夢行何處孤鴈落西風聲咽寒蘆渚

又

徑轉翠屏開一片荼蘼雪不待晚妝成自下香階折

鷓鴣是故園鷓鴣月是當時月誰分比來心祇覺看承別

踏莎行

蘆月凝霜蕉風作雨飄飄葉落梧桐樹蛩吟底事動哀
音不知人在愁深處鶴怨空鳴鴻孤遠度傷心又被
秋光誤怪他有夢不歸來雲山豈礙魂歸路

蝶戀花

芳草生煙橫野渡綠到春山山色深於樹離恨年年繁
別緒桃根桃葉秦淮路眼底韶華容易度燕子斜陽
說與歸期誤婪尾餘花春已暮柳絲不解牽伊住

東風第一枝

春日

南浦拏舟東郊列幕中旬準擬攜酒恁教壓雨欺煙幾
時小桃紅透魚牋訊遠要修禊山陰人舊倩好風爲掃
苔茵池水儘他吹皺更明日垂楊繞堠早今日芳蘭
密牖麗詞一曲歌成那等寒兒繡口無多春色總莫負
燕前鶯後可憐是幾個黃昏多半憶君時候

又 遊峽山

六寺煙深雙峯黛冷嬉遊時際暄暖曲塘畫鷁參差
來荻芽沙淺嬌春羅綺映綠淨波紋吹軟儘瘦生掌上
誰擎漫認倚風輕燕簾乍捲垂楊拂眼門半掩小桃
窺面歌雲日趁新妝淚竹幾巡古苑微茫林角掛一抹
殘楊如線怕後遊晴雨無憑有約也應難見

朱茂稠 字子容秀水人諸生

驀山溪

雲藍小袖約素隨堤柳翠黛遠山橫描不就一雙眉秀
鵲波明盼著處更留人情初逗盃殘酒雙陸垂纖手
芳心半有玉紐教郎扣不道解相思恁花枝爲誰消瘦
幽窗曲檻燈火二更餘歡未久宵空負那正歸時候

選冠子

聞秋蟲有感

半枕留寒一簾凝露四壁秋蟲愁聽淒其訴月斷續吟
風不管孤眠不穩還似初離別時絮語喁喁柔情耿耿

助幽懷作出悲涼情緒伴他長恁 記那日步襪宮鸞
蒼苔移印寫盡梧桐清影迴廊笑織曲檻鳴絲攜手紅
樓嬌俊誰分今宵對伊荒館敗籬喚人孤另歎行雲何
日重逢枉憶露臺玉井

孫紹祖 字若裘嘉善人諸生

謁金門

春雨足香嫩枝頭微綠渭水清清寒漱玉客來茶正熟
午倦不堪重讀點就乳花飛瀑七碗可人涼氣蕭蕭

滿風助竹

顧朝禎 字以寧有匏園初集

菩薩蠻 次爾斐韻

煙弱柳絲如帶鶯梭織就朱闌外芳草意綿連玉孫
醉欲眠 新羅蔭古壁牛背斜陽笛杜宇月三更海清
分外明

顧志 字存英有暉吉堂稿

生查子 臘梅

幽香度月遲瘦骨凌霜老瀟灑自天然驛路花開早
從教纖手栽眉黛晨粧巧獨有歲寒心別笛聲吹曉

裘昌令 字梅倩有書仙閣詞

醉花陰 雨夜

窗前疎雨冷瀟瀟銀燈暗復挑斷腸清漏永聲聲葉上
滴碎一可憐宵半聞衾枕轉無聊相思興復饒楚天人
遠猜得夢兒嬌

張字石陽行
草繡香集

生查子秋怨

寒井下梧桐葉葉秋風繞何處寄相思月落燈殘了
淚界臉波紅夢怪巫山杏記得別郎時雞鳴千林曉

南鄉子

芳草翠煙濃蕉葉零零夜雨中無數浮萍風皺轉情同
殘夢天涯斷遠鐘獨立在簾櫳雙燕新扶柳岸風颺

何寒花事晚繁紅滴濕胭脂落幾叢

河滿子中秋

月破秋寒灑背霜沾露影侵床玉笛幾聲今夜起記來
曲子霓裳孤杵愁連村落吹笳夢入瀟湘鉛水瀉如
清淚江楓綸似紅粧啼鴈半行蘆荻老晶晶波下橫塘
往事思君一夜明朝直欲迴腸

金菊對芙蓉閨怨

漏初更枕函虛冷惱來索性思量見臨風敗葉月下
光樽前恨滿孤帟寂瀟陵路煙水茫茫竹聲動處箇
人不見影到紗窗空房幾遍回腸想尋間闌草遺悶

吟香奈燕儂鶯儘空誤年芳生盟念念猶難冷輕離別
屢變星霜最傷情是春花啼鵲秋和鳴蟹

詞話卷九

十一

詞話卷十

青浦王利纂

張文秀一首

陸亮輔一首

裴律一首

唐世瀚一首

李伊禾一首

胡文煥一首

江廣一首

顧衆一首

喻綜一首

張仲立一首

倪撫一首

徐爾鉉一首

霍達一首

吳楨一首

郭輔畿一首

沈士鑛一首

沈鍾

一首

陸釋麟

一首

梁木公

一首

秦公庸

一首

梁希聲

一首

吳莫勝

一首

陳琴溪

一首

張卿玉

一首

天隨子

一首

杜陵生

一首

無名氏

三首

釋涵初

一首

道源

一首

今釋

二首

靈八首

張無爲 一首

張文秀

見西湖志餘

念奴嬌

西湖

見銀蟾光閃波紋搖綠天上飄來風韻細

子香生金粟玉戶玲瓏瑤臺皎潔影落嫦娥屋夜深雲

際一聲誰弄橫竹 醉倚六曲雕闌望中懸白練兩峰

垂瀑淨洗塵腸攜秀句一唾珠璣千斛更欲凌空鏗鏘

環佩仙駕驂鸞鶴鳳樓人遠獨憐不見秦玉

陸亮輔

字左

見蘭皋明詞

桃源憶故人

舟次瓜步懷徐姬石蓮

桃花碎影江如靛隔斷相思一半昨夜曾題紈扇鏡裏

蓮如面 無邊春草江南怨好夢被誰偷換柳外老鶯

啼遍報道看花晚

表律

見西湖志餘

小重山

湖上春遊

山遠平湖鏡遠山隄邊千樹柳綠
珍珍杏花嬌倚玉闌干秦樓畔
小鳥語綿蠻紅粉試輕執笙歌
吹畫舫漾飛鸞酒旗撩亂繫雕鞍
春色暖芳草弄晴灣

方文席

字我

見東白堂詞選

河滿子

客歸

簾下楊花似雪枕邊香膩如雲
爲我飄零蹤不定幾年獨自黃昏
誰信桃花依舊只留月印重門
鈿鎖龍膏不爇繡殘鳳履猶存
日暮碧雲空自合漫教燕語殷勤

個得魚紅紅淚今朝借作招魂

唐世瀚

字宗

見歷代詩餘

攤破浣溪沙

初夏

寂寂閒庭雨乍晴綠陰如幄
午風輕幾轉柳塘迷斷岸野橋平
滿架薔薇花欲謝趁風燕子掠浮萍
慵卧小窗驚喚醒被流鶯

李伊玉

見歷代詩餘

惜分飛

握扇美人圖

花雨續紛迷小院蓮步踏殘香
片粉汗搖執扇輕紗微露黃金釧
夕照山橫天一線水影分光上
面錦帶隨

風輕釵斜爲逐雙飛燕

胡文煥

見蘭皋明詞

一剪梅

秋感

雲葉銀牀落井柯
望斷關河腸斷關河年華冉冉去如梭
秋影婆婆鬢影婆婆
越女含情竹上歌
嬌歛雙蛾
愁歛雙蛾芭蕉冷語咽聲多
客裏風波夢裏風波

江廣

見蘭皋明詞

昭君怨

柳色

低映垂簾庭院
蟬語不知深淺
斷續好風牽幾會閒
侵晚翠筠同茜
渾了雲山一片
欹影幾條妍
夕陽邊

顧

衆

一作顧 同應

見蘭皋明詞

浪淘沙

閨思

生小弄冰鉉
未撥先憐
澀鶯嬌燕語春烟
一點幽情傳
未得殘月窺簾
銅雀鎖嬋娟
驚數流年
小桃窗下背
花眠誰唱西陵
腸斷句
夢到君邊

喻綜

見歷代詩餘

南浦

滕王閣懷古

天高氣爽看平楚
落葉動秋聲
南國驚霜征雁帶影下
寒城漠漠輕舟過
雨濕帆飛遠
幾點微星更蕭條
鴉集
啣頭衰柳殘照萬峯青
瑟瑟江城染練從前何事不

疑情四月銷磨今古不見舊旗旌青雀黃龍何在也塔
除惟有樹長生嘆去來月上欄杆空際水波明

張仲立

見蘭皋明詞

浣溪沙

題情

淺束深粧最可憐明眸玉立更娟娟
撩人多在夜燈前
旖旎海棠初着雨飄蕭江柳乍含烟
倚窗一樣受春妍

倪

撫字曼倩

見蘭皋明詞

菩薩蠻

送春

年年白放春歸去無端又是風和雨
倦態不成妝春宵

恨轉長

一燈紅夜午城上聞更鼓
魚鑰鎖雙扉愁他

夢裏歸

徐爾鉉

字核庵

見蘭皋明詞

臨江仙

春盡

春光不奈人煩惱夜來也動歸心
輕紗敲雨濕窗明風
多花有恨林暗蝶無情
竹杖閒携隨徑去斜陽一派
松聲茶旗酒陣破愁城
借雲邀片月倩鳥喚新晴

霍

達

字魯齋

見蘭皋明詞

意難忘

雨夜

雨顛風搖正白化時候
夜截春梢挑燈驚鼠夢
拭淚掩

綾綃釵鈿冷瓊環透玉鑑遠山消更可憐心香燼夜幼
子啼宵 當年携手遊遨似丁香心展芭蕉尋花纔減
繡話雨暗添膏思往事付春潮賺殺舊魂飄誓今生夢
長睡短暮暮朝朝

吳 棹 字承錫

見歷代詩餘

西江月 秋夕

極目烟波渺渺停舟楊柳家家櫓聲咿軋戰風鴉寂寞
寒潮西下 呼我婦愁紅友看殘籬畔黃化人生適志
不須他竹屋蓬窗聊且

郭輔畿 字咨

見龍泉明詞

浣溪沙 春閨

海北相思尚有涯輕寒暮地惱情懷羞看孤影鏡慵揩
戲向海棠花下過惹他珠露濕羅鞋摘雙梅子戴金

釵

沈士鑛 字賓臣

見歷代詩餘

鵲橋仙 漁父

澄潭集網寒江垂綫雪白鱸魚成串西風吹送酒花香
促步向壚頭索換 竹篙枕月蓑衣遮面一曲滄浪天
半乾坤水上最清閒也白分烟波占斷

沈鍾鶴 字同庵

見歷代詩餘

虞美人 春雨

春光九十誰分取
斷送晨昏雨
桃花和淚濕
臙脂檢點
殘紅一半未開時
長空擬把愁雲掃
如夢渾難曉
柔腸不斷却迴環
咫尺相思人隔萬重山

陸釋麟 字瞿

見歷代詩餘

八聲甘州 曉發

曉風清灑灑
待潮生潮落始行舟
正雞聲茅店孤城斷
角欹枕悠悠
偶爾掀篷一笑起舞也
風流問誰人領取
此景清幽
極目長空杳
靄但寒烟衰草江練明樓羨
雙雙白羽天水共沉浮
待乘桴漸窮湖海莫思量
錦纜

與鳴騶菰蒲裏烟波釣叟分付盟鷗

梁木公

見草堂新集

蝶戀花 春景

野草含烟鋪紫陌
海燕來時芳徑多
凝碧影月低枝漸
漸側惜花微雨輕輕滴
靜掩朱扉春院寂
芍藥欄邊
一作睡起嬌無力
宿鳥不須尋
比翼有人獨倚閒亭北

秦公庸

見草堂新集

卜算子 憶昔

憶昔約佳期
花月為盟主
共對花前月下時
幽恨從頭數
拜月月無言
問花花不語
月轉闌干花卸枝
雙淚

多於雨

梁希聲

見草堂新集

浣溪沙

清明

滿徑殘花襯履行
暖風吹颺薄羅輕
綠楊拖覆小橋橫
日午繡簾酣睡燕
雨餘芳樹轉流鶯
暮春天氣更關情

吳莫勝

見草堂新集

浣溪沙

春閨

午夢誰驚樹影搖
玉樓人倦倚紅綃
遊絲繫滿杏花梢
蜂逐窗櫺迷去路
燕尋壘草未歸巢
風箏線斷傍雲

高

陳琴溪

見草堂新集

漁家傲

蕩漾明波晴晝永
淡烟疎柳湖邊景
一葉水雲深處艇
天未暝
片帆掛破殘陽影
篷背落霞人半醒
溶溶千頃搖金鏡
繡被還愁添暮冷
風不定
蘆花飛滿雙吟鬢

張卿玉

見詩餘辭

青門引

水曲紅波冷
幾樹小桃搖影
憐春情性未分明
天台人近一線香風引
青陽踏破芳魂醒
十二欄杆靜口脂

紅印鸚鵡窗前難數春歸恨

天隨子

見蘭皋明詞

南鄉子

華亭弔古

風雨滿長亭鶴唳灘頭夢未平故國王孫何處去傷情
煙月空濛白苧城往事恨飄零江上青山雲自橫聞
說尊鱸秋更好淒清漫憶風流張步兵

杜陵生

見蘭皋明詞

南歌子

塞上

草煖鴛鴦泊沙寒雞鹿城蘆管一聲聲故鄉千里日
難成

無名氏

見詩餘酌

踏莎行

香罷宵熏花孤晝賞粉牆一丈愁千丈多情春夢苦拋
人尋郎夜夜離羅幌好句刊心佳期束想纔愁春到
還愁往銷魂細柳一時垂斷腸芳草連天長

又

佳約偏乖韶華難駐柳絲點點江頭樹朝來為甚不鈎
簾殘花飛滿簾前路春賞纔開春歸何處問春歸向
何方去有情燕子不同歸呢喃獨伴春愁住

江仙

昨夜驚眠梅雨大枕前窗上頻敲天明翻覺夢魂遙起
來看女伴熏袖半香消雲鎖房櫳煙鎖竹捲簾微溼
鮫綃菱花低照映眉梢玉梳雲髮潤不喜上蘭膏

涵初

柳梢青 咏螢

碧燄疎篁斜飛秋水輕點蓮香忽影風簷半明苔壁又
入繩床夜深露冷清光度殘月亂點蒼茫羅幌眠雲
松窗幽磬心地空涼

道

源 字石林常熟破山寺僧有寄集集

浣溪沙

寄衍公

故倡湖南不肯歸水洲貪看野鳧飛竹房辜負綠蕉肥
鑪冷博山清話噶篔簹開湘水倦眠稀信音莫待寄秋

衣

今

釋 字澹歸杭州人

小重山

得程民部詩却寄

落落寒雲曉不流是誰能寄語竹窗幽遠懷如畫一天
秋鐘徐歇獨自倚層樓點點鬢霜稠十年山水夢未
全收相期人在別峯頭聞鷗意煙雨又扁舟

八聲甘州

留別阿字無兄

歎離情一往一重來可似海門潮已千秋期許十年建

立兩地憂勞又道如形伴影彼此不容招底事扁舟上
回首迢迢待向梅關北去倩賓鴻寄語雲濶天高想
聞聲欲下轉眼失鷓鴣更有時連床續夢怕冰霜折斷
歲寒梢晨鐘起添些風雨相助蕭蕭

一靈

滿庭芳

蒲城惜別

金粟堆邊冰蒲水畔紫駟迢遞迎來月中驚見光艷似
雲鬕柔落霑唇半醉將長笛弄向秦臺天明去鞭揮岸
曲愁殺渡人催徘徊空歎息桃花易嫁鳳子難媒和
香雨氤氳飛作塵埃墜非銀瓶永絕誰復取僂渡盈杯

應知爾三春繡閣幽寂委蒼苔

浪淘沙

春草

嫩綠似羅裳寸寸銷魂春心抽盡爲王孫不分東風吹
漸老色映黃昏蝴蝶不留痕飛過煙村紅藏幾點落
花魂雨過苔蘚人不見濕欲生雲

一落索

杜宇催春從汝莫催人去人留卽是好春留更一任風
和爾怕見遊絲飛絮爲伊無主落花爭似淚花紅只
滴在分襟處

離亭燕

漸到鷓鴣多處愁作一天風雨芳草可憐千萬里長共
夕陽無主且莫返鄉關已有斷魂飛去 雲際片帆難
駐江上一竿誰許空妬白鷗來復往笑我飄零倦羽掩
淚似春山終日濛濛洲渚

調笑令

芳草芳草生向江邊太早連天一
片春愁不管王孫淚
流流淚流淚點點桃花吹墜

江城梅花引

黃花和我滿頭霜怕重陽又重陽不分早梅還與鬪寒
香老去看花如霧裏被花惱一枝枝總斷腸 斷腸斷

腸苦參商夜已長天已涼一葉一葉落不盡悲似瀟湘
那得羅浮清夢到蘭房明月笑人眠太早飛去也影徘徊
猶尙半淋

摸魚兒

與友人別

放蘭舟溯江西上渺茫雲樹何處天涯相見頻相別同
作水邊風絮春欲去恨故苑鶯花總付煙和雨離情罷
訴教夜半啼鵲聲聲向月爲寫此愁苦 思重會定在
吳闔古渡吹簫城下應許英雄失路皆無策漸使浣紗
憐汝君莫取鴻鵠在他時自有凌霄羽功名糞土且滿
酌霜醪還携漁艇共醉白蘋渚

張無為 詞漢四十三代天

風入松 和虞學士韻

江城淹病酒難酣疎髩訝朝簪暑消已覺秋光遍紅塵
遠斜日回驂蕙帳累留殘宿青霜猶濕春衫春淮潮
定碧如藍歸燕息呢喃白雲幃幔寒偏早更誰問雁字
魚緘早晚棹聲歸也黃花白酒村南

明詞綜卷十

明詞綜卷十一

青浦王昶纂

黃氏一首

劉碧一首

端淑卿一首

顧文婉三首

袁彤芳一首

王鳳嫻一首

陸卿子二首

龍輔一首

徐媛一首

張鴻逵一首

瞿寄安一首

朱盛藻一首

沈宜修五首

張倩倩一首

葉小紈一首

沈憲英一首

項蘭貞 一首

商景蘭 一首

李玉照 一首

葉純純 二首

葉小鸞 七首

沈靜專 一首

儲氏 一首

申蕙 一首

張嫻倩 一首

歸淑芬 一首

吳綃 一首

顧道善 一首

謝季蘭 一首

陳氏 一首

張引元 一首

王朗 一首

吳山 一首

龐蕙穰 一首

沈素嘉 一首

徐元端 二首

周蘭秀 一首

武氏 一首

翁孺安 一首

李端卿 一首

黃氏 遂安人 楊慎室

晚香堂清語升庵夫人黃氏寄外詩有曰歸日歸愁歲暮共雨其雨怨朝陽之句傳誦人口又有滿庭芳巫山一段雲諸詞皆為雅麗或比之越松雪管夫人然管工畫竹耳詩詞鄙俚不及黃遠矣

巫山一段雲

巫女朝朝豔楊妃夜夜嬌行雲無力困纖腰媚眼暈

潮阿母梳雲髻檀郎整翠翹起來羅襪步蘭苕一

又魂銷

碧字映清
安陸人

浪淘沙
新秋

昨夜雨綿綿寒澀燈煙薄
衾倦擁不成眠曉起床頭看
歷日換了秋天
桐樹小庭偏碧蔭爭圓教他知道也
凄然最是西風消息早一葉堦前

端淑卿
當塗人教諭近鄉女
歸丙氏有緣尚詩稿

阮郎歸

園林春到清明節花柳愁攀折
人生何事輕離別水遠
山重疊
杜宇啼殘更月銀缸照明滅
昨宵有夢輕飛
蝶關心猶未說

顧文婉
自號避秦
人無錫人

浣溪沙

風雨妨春苦不寬開簾怕見嫩紅殘
錦屏深護早春寒
新嬾一身扶不起愁痕萬點鏡慵看
空拈斑管寫長
歎

又

曉日凝粧上翠樓惱人春色遍枝頭
湘簾風細蕩銀鈎
燕子未歸寒惻惻梅花初落恨悠悠
重門深鎖一天
愁

西樓子
初月

日言系卷十一
三
驪闌漫倚凝眸月如鈎一段晚香薄霧織成愁 懷人
意思鄉味幾時休除是夢中暫借廣寒遊

袁彤芳

字履貞吳縣人
自稱廣寒仙客

長相思

風滿樓月滿樓月白風清動客愁征鴻聲且留 燈半
篝香半篝燈燼香沉殘夢悠歸舟天盡頭

王鳳嫺

字瑞卿江南華亭人進
士張本嘉室有貫珠集

浣溪沙

郊行

曲徑新篁野草香隨風閃閃蝶衣忙柳綿飛墮點衣裳
人在鏡中憐影瘦燕翻波面舞春長小橋古渡半斜

臨江仙

珠簾不卷銀蟾透夜涼獨自憑闌瑤琴欲整指生寒鶴
歸松露冷人靜井梧殘 天際一聲新度雁翱翔似覓
回灘浮生幾見幾多歡三秋今已半楓葉醉林丹

陸卿子

長洲人尚寶卿師道女太倉
趙宦光室有元芝考槃二集

憶秦娥

感舊

砧聲咽梅花夢斷紗窗月紗窗月半枝疎影一簾淒切
心前舊願難重說花飛春老流鶯絕流鶯絕今宵試
問幾人離別

畫堂春

晴空煙裊柳絲微亂紅風定猶飛杏花零落燕空歸門
外鴉啼 慵病不禁寬帶諱愁無那尖眉香消斜倚畫
屏時此恨誰知

龍湖廣人有
女紅餘志

相見懽

黃鸝啄下梳 曲闌晴笑取泥金小扇撲蜻蜓 牽得

住推不去是春情多少柔腸囑付護花鈴

徐媛字小淑吳縣人范
允臨室有絡緯吟

霜天曉角 采石磯蛾眉亭

雙峰鬪碧寒玉橫秋壁兩道彎環天際凝無限青螺色
斷岸濤聲急似奏臨邛瑟鸞鏡綠窗人去惟留取春

山跡

張鴻逵字琴友慈谿人姚
與祁室有清音詞

孫蕙媛云每有廢咏意到即成不煩推敲聲
出金石

點絳脣 與馮太君話舊

相見空憐許多心事難傳與不如歸去又被黃昏雨
明月多情還照橫塘路添愁緒幽閨深處重憶連床語

瞿寄安韓敬
室

長相思 寄于夫人

朝含顰暮含顰風動疎簾疑是君相思欲斷魂 試羅
袈裟羅袈裟瓦霜飛病又新天涯兩地人

朱盛藻 字瓊華黃州人楚宗女

蝶戀花 柳影

永日三眠體較輕 困能初舒莫遣紅妝妬自有明珠生
遠浦舞低恍向樓心覷 拂地長條誰是主露下芙蓉
只恐難留住好趁煙光凝地護交枝漫鎖長門路

沈宜修 字宛君吳江人葉紹袁室

浣溪沙

淡薄輕陰拾翠天細腰柔似柳飛綿吹簫闌向畫屏前

千
詩句半緣芳草斷鳥啼多為杏花殘夜寒紅露濕秋

虞美人 立春

東風已上堤邊柳雪意還依舊畫羅綵勝學裁新不道
閑愁又送一番春 年華只是侵雪鬢花信何由問待
看雙燕幾時來猶憶杏花長對月徘徊

浣溪沙 侍女隨春羞作嬌態之態諸女咏之余亦戲作

袖惹飛煙綠鬢輕翠裙拖出粉雲屏飄殘柳絮未知情
千喚懶回伴看蝶半含嬌雨恰如鶯嗔人無賴惱秦

箏

如夢令

蕭瑟西風初動又是一番涼送燈蕊小窗斜往事不堪
新夢愁重愁重綆短銀屏水凍

望江南

暮秋

河畔草一望盡凄迷金勒不嘶新寂寞青袍難覓舊威
蕤野燒又風吹蝴蝶去何處問歸期一架鞦韆寒月
老滿庭鴉鳩故園非空自怨妻妻

張倚倩

吳江人沈自徵室

蝶戀花

丙寅寒夜與宛君話君庸作

漠漠輕陰籠竹院細雨無情淚濕桃花面落葉西風吹

不斷長溝流盡殘紅片
千徧相思纔夜半又聽樓前
叫過傷心雁不恨天涯人去遠三生緣薄吹簫伴

葉小純

字蕙綢吳江人同邑沈永禎室

浣溪沙

為侍女隨春作

髻薄金釵半髻輕佯羞微笑隱相屏嫩紅染面太多情
長怨曲闌看鬥鴨慣嗔南陌聽啼鶯月明簾下理瑤

箏

沈憲英

字惠思吳江人

點絳脣

憶瓊章姊

簾外輕寒謝娘風絮無人見桃花如面腸斷春歸燕

人去瑤臺祇覺東風賤
湘簾卷綠楊千線
煙鎖深深院

項蘭貞 字孟暉秀水人黃卯錫室有裁雲月露二亭

攤破浣溪沙

浙浙寒風撼玉鈎
起來斜日照紅樓
簾外一聲鸚鵡喚
喚梳頭
花發小春情脉脉
笛吹長夜恨悠悠
多少淚珠彈不斷
倩誰收

商景蘭 字媚生會稽人祁彪佳室

搗練子

長相思久離別
為誰憔悴憑誰說
卷簾貪看月明多
斜

風恰打銀缸滅

李玉照 會稽人吳江沈自徵繼室

漁歌子

愁思縈懷懶賦詩
黃昏深院月來遲
人靜處漏殘時
一片幽情祇自知

葉紈紈 字昭齊吳江人葉紹袁女有愁言

蝶戀花

盡日重簾垂不捲
庭院蕭條已是秋光半
一片閑愁難自遣
空憐鏡裏年華換
寂寞香殘門半掩
脉脉無端往事思量遍
正是銷魂腸欲斷
數聲新雁南樓晚

浣溪沙

幾日輕寒懶上樓
重簾低控小銀鈎
東風深鎖一窗幽
晝永香消春寂寂
夢殘燭跋思悠悠
近來長自只知

愁

葉小鸞

字璵章吳江人崑山張
立平聘室有返生香

鍾玉樵云小鸞父仲韶風神雅令工六朝駢
體同沈宜人絕若悟隱汾湖與子女刻意詩
詞以自娛樂小鸞生十歲能韻語秋夜仲韶
命以句云桂寒清露濕卽對曰楓冷亂紅彫
是時以爲天折之徵及未婚而歿見有五彩
雲卷足而去知前身爲緱嶺女仙今當歸月
府適有冥中比丘尼智湧傳天台教起無業
堂以收女士慧業而早亡者小鸞從之勸師
審戒信口答應如研香製就夫人字鏤雪吟
成幼婦詞凡十餘聯皆晚唐名句也法西

之堂中與姊昭齊薰習梵行所存詩詞皆似
不食人間烟火者

南歌子

門掩瑤琴靜
窗消畫卷閒
卷庭香霧遠
闌干一帶淡煙
紅樹隔樓看
雲散青天瘦
風來翠袖寒
嫦娥眉又小
檀欒照得滿
曙花影只難攀

虞美人

燈

深深一點紅
光小薄縷微煙裊
錦屏斜背漢宮中
曾照阿嬌金屋
淚痕濃
朦朧穗落輕煙散
顧影渾無伴
香消午夜漫凝思
恰似去年秋夜雨
窗時

點絳脣

新柳垂條困人天氣簾慵捲瘦寬金釧珠淚流妝面
凝佇憑闌忽覩雙飛燕閑愁倦黛眉淺淡誰畫青山遠

浣溪沙

紅袖香濃日上初幾番無力倩風扶綠窗時掩悶妝梳
一晌多慵嫌刺繡近來聊喜學臨書鳥啼春困落花

疎

又

幾日東風倚畫樓碧天清靄半空浮韶光多半杏梢頭
垂柳有情留夕照飛花無計却春愁但憑天氣困人

休

又

曲曲闌干遶樹遮半庭花影帶簾斜又看暝色入窗紗
樓外遠山橫寶髻天邊明月伴菱花空教芳草怨年

華

又

曲榭鶯啼翠影重紅妝春惱淡芳容疎香滿院閉簾櫳
流水畫橋愁落日飛花飄絮怨東風不禁憔悴一春

中

謁金門

情脉脉簾捲西風爭入漫倚危樓窺遠色晚山留落日

芳樹重重凝碧影，澄波欲濕人向暮。煙深處憶繡裙，愁獨立。

沈靜專 字曼君宜修妹歸吳氏有適適草

蝶戀花 咏蝶

舞向低檐，依嫩綠，翠冷天涯。影斷吹愁，續幻就雲衣飛。態足粉煙泥，露枝頭浴。風動猶疑，翻紫玉引得佳人。誤入花陰，撲靜斂香鬢，還自宿。蜂媒覓伴，仍相促。

儲氏 秦州人興化成某室

浣溪沙

紫燕雙雙遶畫梁，重重朱戶鎖斜陽。閑來獨坐繡鴛鴦。

芳草盈階，侵砌綠。落花滿院，隔簾香。空庭寂寞日偏長。

申蕙 字蘭芳長洲人嘉興沈某室有縫雲集

長相思

月滿衣，葉滿衣。玉漏初停銀漢低。砧聲到竹扉。事已非，人已非。滿目淒涼何日歸。雁沉夢又稀。

張嫺倩 字蓼山廬州人有蕉窗逸韻

菩薩蠻 連城山房

風捲落花愁不歇。枝頭燕翦裁桃葉。花氣沁簾香。遊絲掛綠窗。蕉青鸞翅影。草碧龍鬚冷。無語對瑤琴。閑花

落膽瓶

歸淑芬

字素英嘉興人許某室有雲和閣靜齋詩餘

東坡引

泛舟訪皆令閩友

櫻桃紅已足日觀苔痕綠綸竿釣罷清溪曲一村桑落

熟一村桑落熟閒愁莫展翠蛾頻感強抱清琴對修

竹池邊有侶堪聯續山兒畫半幅山兒畫半幅

吳

綃

字冰仙長洲人常熟許文玉室有嘯雪菴稿

憶王孫

寒砧風急搗衣秋木落聲中人倚樓月午涼陰滿地愁

夢悠悠一夜江南千里舟

顧道善

字靜簾吳江人許季通室

滿江紅

移居叢莊有感

禾黍斜陽村皋外江霞飛滅回首去依稀風景繁華銷

歇沼冷鴛鴦荷碎雨臺荒麋鹿松搖月忽一聲野寺斷

鐘過疎籬缺清曉怨簾鉤揭王孫夢鷓啼竭問天涯

何處銅仙金闕猿鶴三秋淹短草風雲萬里悲高碣料

明朝好鏡不相瞞霜侵髮

謝季蘭

字湘芷寧都人魏禧室

阮郎歸

秋夜

數盡更籌夢未成秋聲不忍聽起來且自剔殘燈誰家

玉笛聲 風繞定月初升清光漸漸生一行花影上窗
櫺動人無限情

陳氏

江南華亭人
有梅龕吟

謁金門

春欲暮簾外落紅無數斜倚曲闌渾不語笑看雙燕舞
惆悵夜來風雨吹散滿城花絮一段夕陽留不住馬
嘶芳草去

張引元

字文殊江南華亭人楊安世室

點絳脣

荅母

細雨初晴暖風早入芭蕉院歸期日盼鬆盡黃金釧

病起南樓愁覩梅梁燕無由見白雲天遠十二闌干遍

王朗

金壇人
彥弘女

浪淘沙

閨情

疎雨滴青簌花壓重檐繡幃人倦思厭厭昨夜春寒眠
未足莫捲湘簾 羅袖護摻摻怕拂香奩獸爐香倩侍
兒添爲甚雙蛾常鎖翠白也憎嫌

吳山

字若子當塗人上元卞琳室有青山集

鵲橋仙

戊子廣陵七夕有感

思量昨歲秣陵此夕正水閣風清天碧六朝佳處舊繁
華細草路紅燈月白 今年萍寄隋宮咫尺歎異代煙

花寥寂情同旅夜起歸思愁絕是隔江寒笛

龐蕙纒

字小晚吳江人吳玉川室

點絳脣

次沈素嘉韻

十載芳隣自憐一別還如雨看雲愁緒隔箇江天樹

佳句曾題小楷紅箋處頻看取相思難據一瞬情千縷

沈素嘉

吳江人葉學山室

點絳脣

寄吳夫人小曉

隔過牆頭幾番同聽黃昏雨別來情緒向北看春樹

一院籐花底是臨書處還分取綠窗朱戶裊裊茶煙縷

徐元端

字延香江都人范某室有續閒集

清平樂

繡窗無那自卷簾兒坐羞覩黃鶯枝上卧拋去青梅數

顆東風陣陣相摧胭脂零落蒼苔春色依然歸去為

誰留下愁來

南鄉子

獨坐數歸期花影重重日影低無計徘徊思好句遲遲

除却春愁沒箇題閑倚畫樓西芳草青青失舊堤猶

記當時人去處依依紅杏花邊一酒旗

周蘭秀

字弱英吳江人平湖孫某室

浣溪沙

雨過池塘萬綠生微風吹滿繡簾輕遠山一角夕陽明

靜裏荷香來扇底夢餘蕉影倚窗橫關情何處玉簫

聲

武比 三水人文 翔鳳室

如夢令

畫閣閑吟玉案寂寂薰風庭院微悶坐花前獨把闌干

倚徧簾卷簾卷秋在桐陰一半

翁孺安 號靜和居士常熟人適同邑顧氏有浣花居遺稟

浣溪沙

雁陣纔過字一行碧天沉影散秋光涼風初沁白羅裳

墮葉井梧旋靜砌含英籬菊護低牆聲聲何處撫衣

忙

李端卿 錢塘人

謁金門

風乍暖樹底鶯聲欲轉窗外小梅香數點枝頭春意淺

盡日畫屏獨掩閑却繡床金翦寶枕初回香夢遠亂

愁天不管

明詞綜卷十一

明詞綜卷十二

韓知玘 一首

顧若璞 一首

郭瑒 一首

黃鴻 一首

范妹 一首

馬守貞 一首

楊爰 一首

朱無瑕 一首

青浦王 剡纂

吳鼎 一首

錢氏 一首

紀映淮 一首

張紅橋 一首

錢涓 一首

劉勝 一首

薛素素 一首

王毓貞 一首

白旂香 一首

趙燕 二首

馬如玉 一首

楊宛 三首

王微 四首

鄭安 一首

陳冉 一首

花夢月 一首

景翩翩 一首

張婉 一首

朔朝霞 一首

王月 一首

寇皚如 一首

崔嫣然 一首

頓文 一首

王賽玉 一首

尹春 一首

呼舉 一首

沙宛在 一首

京師妓 一首

蘇世讓 一首

鎖懋堅 一首

王氏 一首

沈靜筠 一首

元妙洞天少女 一首

鄭婉娥 一首

翠微 一首

王秋英 一首

韓智珩 湖州人金壇子

浣溪沙 東翟夫人

玉筋雙垂薄袖寒十離詩就背人看聞愁贏得許多般

月轉空堦天欲曙香繁倦枕夢初闌相思一夜小梅

殘

吳拙 號水蟾子江南華亭人曹某室

滿江紅

雨抹荷池添豔了。鬧紅稠綠更帶着牽魚藻鑑浮波息。
玉榴朶辭枝焚碧。蟬聲送遠翻新曲。向幽軒一枕夢。
驚回風敲竹。絲雨霽輕涼足。殘照短。纖紅續。漸雲遮。
津口煙黏山麓。涼月照人心似水。此身擬向清虛蹴。記
廣寒庭畔素衣中。曾相熟。

顧若璞

字知和錢唐人主某室有卧月軒集

長相思

梅子青。豆子青。飛絮飄飄長短亭。風吹羅袖輕。恨零
星。語零星。正是春歸不忍聽。流鶯啼數聲。

錢氏

湖州人都憲唐世濟室

滿庭芳

古樹陰濃新篁翠淺。乍陰過雨還晴。方塘對岸留得小
紅英。消受茶芽。蔗笋皮兒淨。雲母窗明薰風至。釣絲搖
曳無處立。蜻蜒喜灌園君志。碎繡吾職兩意相并。把
當前好景。直擬蓬瀛。怎便塵勞盡。謝長無事。心境雙清。
家園好。藕花如錦。波面想盈盈。

郭小瑋

字璩汝長洲人顧某室

思帝鄉

紅燭冷。碧釵留燭冷。釵留人去恨悠悠。拚得一分憔悴

一分愁試問眉間心上幾多愁

紀映淮上元人

小重山秋闈

蕭瑟幽闈更漏長庭前叢桂發暗飄香月明露白漸生涼
涼輕風起時拂鬱金裳遠雁一行行相看還竚立怯
空房幽懷幾許總難量蘭缸施花影欲窺窗

黃鵠字鴻耀錢塘人有廣寒集

蝶戀花

着意留春春不許一陣東風吹落花無數記取等閒花落處
重游怕是桃源路門外青絲垂日暮偏惹離腸

不繫征帆住兩兩畫梁新燕語雙飛又入花間去

張紅橋

閩縣人居紅橋之西因自號紅橋後歸福清林鴻

詞約云紅橋雅麗能詩豪右委禽皆不納長樂王傅有詩名亦振之及鴻托鄰媪投以絕句云桂殿焚香酒半醒露華如水點銀屏含情欲訴心中事羞見牽牛織女星紅橋答云梨花寂寂剛嬋娟銀漢斜臨繡戶前自愛焚香消永夜從來無事訴青天遂締婚焉相與唱和詩甚夥後鴻適金陵作大江東去一闕留連惜別又明年鴻自金陵寄摸魚兒一闕絕句四首張自鴻去後獨坐小樓顧影欲絕及見鴻詩詞感念成疾不數月而卒惜其詞傳者絕少

念奴嬌

鳳凰山下恨聲聲玉漏今宵易歇三疊陽關歌未竟城

上栖烏催別一縷情絲兩行清淚漬透千重鐵重來休
問尊前已是愁絕還憶浴罷描眉夢回携手踏碎花
間月謾道胸前懷豈蔻今日總成虛設桃葉津頭莫愁
湖畔遠樹雲煙疊剪燈簾幕相思誰與同說

范

妹

字洛仙如皋人
有貫月舫集

浣溪沙

月夜懷延公

庭竹瀟瀟弄晚風月光如洗露華濃瑤堦花影自重重
非愛良宵清不寐因憐歸燕思無窮夜深獨倚畫樓

東

錢

涓

字斐文嘉興
人有抱雲吟

秋波媚

芙蓉

艷質誰教託蓼洲寂莫更誰儔半竿落日幾行征雁一
葉歸丹那堪風雨頻相妬紅粉逐波流深深綺閣盈
盈羅帳多少清愁

馬守貞

字月嬌號湘
蘭金陵妓

蝶戀花

天香館寄陳湖山

陣陣東風花作雨人在高樓綠水斜陽暮芳草垂楊新
燕羽相煙翦破來時路腸斷蕭郎紙上句深院啼鶯
掠亂春情緒一點幽懷誰共語紅絨繡上羅裙去

劉

勝

見青樓
韻語

蘇幕遮

恨桃花憎柳絮何事春來浪逐東風去邂逅從君花下
語無那情痴夢裏還凝佇 楚臺風巫峽雨暮暮朝朝
無計重相遇肯處偷彈雙玉筋自笑多情翻為多情悞

楊炎 字玉香 金陵妓

詞苑叢談問人林景清過金陵與院妓楊玉香狎許終身焉臨別賦鵲天一闕云八字嬌娥恨不開陽臺今作望夫亭月方好處人相別初末平時僕已催聽屬付莫疑猜蓬壺行路去還來旣死一樹垂絲柳休傍他人門戶誠遂與訣別後五六年再訪之則玉香正矣

如夢令

新綠釀成楊柳簾卷和風微透獨坐抱雲和香篆暗沈
金獸回首回首花事春光依舊

薛素素 蘇州妓

臨江仙

喚起提壺池上飲春殘滿地紅英忽聞牆外子規聲不
如歸去也終是不分明 自抱雲和彈一曲曲終還擬
湘靈風前淚眼幾時晴月高星數點香冷漏三更

朱無瑕 字秦玉 金陵妓

卜算子

梧葉薦新涼好夢欺人短數盡銅壺漏更長別院砧聲

遠 疎雨滴芭蕉
鵬被西風斷
何處寒蛩哀雁
中蘆管
吟秋怨

王毓貞 字月妹 揚州妓

如夢令

月影被花搖碎
掩映隔簾紅
袂倚醉
帶春嬌
彷彿滿頭
珠翠
難記
難記
人在畫屏秋水

白旃香 字西來 嘉定妓

山花子

一桁垂楊拂畫梳
碧桃花外泛輕舸
六曲紋窗春水碧
赤闌橋
綠酒紅燈
風細細
碧天明月
夜迢迢
何事春

來頻載酒聽吹簫

趙燕 字彩姬 金陵妓

憶王孫

東風惡劣打殘紅
簾幙輕陰漾
碧空倚薰籠
夢斷香消
寶鴨中

長相思 寄張幼子

去悠悠
意悠悠
水遠山長
無盡頭
相思何日休
見春
愁對春羞
日日春江
認去舟
含情空倚樓

馬如玉 字楚嶼 金陵妓

鳳凰臺上憶吹簫

清夜無眠湘簾不捲瀟瀟雨打蕉窗聽秋聲幾點滴碎
秋腸望斷天涯芳訊人寂寞偏覺更長燈花落枕屏斜
倚睡鴨銷香 思量舊歡團扇只等閑拋却塵冷蘭房
數樓頭征雁影去瀟湘隔院吹來玉笛聲幽咽漸入伊
涼桐葉響金風陣陣寒透羅裳

楊

宛

字宛叔
金陵妓

古今詞話宛叔能詩善草書與草衣道人王
修微爲女兄弟有金人捧露盤咏秋海棠云
記春光繁華日萬花叢正李衰桃謝匆匆儂
家姊妹妖枝艷蕊笑東風薄情曾共春光去
洞悵庭空到如今餘瘦影空掩映夕陽中珠
露點試沐新紅斷腸何處含芳歛韻綺窗東
好秋誰占小池畔休放芙蓉

太平時

嫋嫋疎枝帶露輕隔簾櫺絲絲牽綴別離情最難勝
幽恨祇憑羌管訴調淒清臨風半是斷腸聲不堪聽

浪淘沙

海棠

盡日若含愁別樣嬌羞晚涼香散上簾鈎帶露摘來斜
插鬢一段風流 蛩語玉階幽又是深秋相携閒對小
妝樓不解斷腸伊似我我似伊否

王

微

字修微揚州妓
自號草衣道人

竹窗詞選王修微初爲青樓後爲黃冠詞集
甚富皆言情之作多有俳調 施子野云修
微色藝雙絕尤長于詩詞適從性風齋聞其
名見憶秦娥一章有多情月偷雲出照無情

別之句風流蘊藉不減李清照明日入東奈見修微于眉山莊之喜庵方據案作字逸韻可掬相與談笑者久之日西別去此情依

如夢令 懷謝友夏

月到閒庭如畫修竹長廊依舊對影黯無言欲道別來清瘦春驟春驟風底落紅儂恹

馮練子

心縷縷愁躑躅紅顏可逐春歸去夢中猶帶惜花心醒

來又聽催花雨

憶秦娥

多情月偷雲出照無情別無情別清輝無奈誓圓常缺傷心好對西湖說湖光如夢湖流咽湖流咽離愁燈

畔乍明還滅

鄭 妥 一名如英字 無羨金陵妓

浪淘沙

日午倦梳頭風靜簾鉤一窗花影擁香篝試問別來多少恨江水悠悠 新燕語春秋淚濕羅襦何時重話水邊樓夢到天涯芳草暮不見歸舟

陳冉 字月素 金陵妓

賣花聲

愁壓遠山低此恨誰知吳綾淺碧濕胭脂無限秋光憔悴意殘葉疎枝
多病損腰肢檀袖雙垂紗窗月上影遲遲漏冷蓮花人靜也寒雁來時

花夢月 字紅兒 金陵妓

浣溪沙

梳罷鳴蟬淺畫眉習池香鴨篆煙遲一窗日影到采鷗只說頻來桃葉渡不期猶隔柳花堤數聲風外轉春

鷗

景翩翩 字三妹 建昌妓

憶秦娥

秋蕭索西風一夜吹香閣吹香閣挑燈獨坐半垂簾幕滿階明月梧桐落滿窗涼露吳衫薄吳衫薄菱花閑對鬢雲斜掠

張婉 字婉仙松江妓有效顰吟

如夢令

陌上鶯啼綠柳樓上花飛寶瑟晴日晚春天畫篋香消荳蔻消瘦消瘦又是斷腸時候

朔朝霞 字曙光金陵妓有紅于詞

桂殿秋

秦淮渡碧波流冷月斜明花外樓仙人掌滿金莖露桂
子香寒玉殿秋

王月字微波金陵妓

破陣子

宮粉香消睡鴨仙衣塵滿紅絨寂寞畫屏春月白冷淡
花裊夜燭紅誰家玉笛風

寇皚如字貞素金陵妓有遜雪堂集

鞦韆毬

柳外裊晴絲正晴日遲遲停午牆頭曾見去年携手花

前款語為伊忘却繡窗鸚鵡不奈韶光如許對簾箔
幾回凝竚綠酒銀燈甚時歡聚歸來燕子休遲到畫橋
飛絮

崔嫣然字重文金陵妓有幻影閣集

謁金門

風蕭瑟遠聽寒砧聲急應念征鴻無信息夜涼吹玉笛
幾許紅樓岑寂夢斷楚江蒲澤明月梧桐清露滴暗
蛩吟敗壁

頓文字少文金陵妓有翠擁樓詞

點絳脣

纔長芭蕉碧紗窗外風和雨聲聲杜宇不解留春住

欲問春光此日歸何處春無語亂紅流去兩岸楊花絮

王賽玉 字儒卿 金陵妓

點絳脣

水院粧殘桐陰滿地新涼夜湘簾輕下牆角疎更打

漸近黃昏明月移花榭愁偏惹珮環休卸繡鴨熏香麝

尹春 字子春 金陵妓

醉春風

池上殘荷盡籬下黃花嫩重陽還有幾多時近近曾

記舊年那人索句評香鬪茗望斷蕭郎信懶去勻官

粉蝦鬚簾外晚風生陣陣雙袖生寒一燈明滅博山

香燼

呼舉 字文如 江夏妓

玉樓春 夜坐

一燈半滅愁無數河畔清蟾涼印戶閒庭細草亂蛩鳴

似共離人分泣露玉樓遙隔湘江浦黯黯離魂尋得

去秋鐘夜半遠隨風短夢驚回忘去路

沙宛在 字嫩兒 金陵妓

醉花陰

翡翠樓頭風幾陣斷送殘紅盡薄暮掩羅幃睡鴨香寒

冷却沉檀印 夢回寶枕垂雲鬢愁壓蛾彎損窗外雨
聲疎響入芭蕉又是黃梅信

京師妓

瑞鷓鴣

少年曾侍漢梁王濯錦江邊醉幾場拂石坐來衫袖冷
踏花歸去馬蹄香 當初酒釵寧辭滿今日閒愁不易
當暗想勝遊還似夢芙蓉城下水茫茫

蘇世讓

朝鮮人

憶王孫

和薛萃軒副使

無端花絮曉隨風送盡春歸我又東雨後嵐光翠欲濃

寄雁鴻家在千山萬柳中

鎖愁堅

西域

詞品鎖愁堅西域人善吟咏成化間游苕城
宋文理座間索賦其家假山懸壑賦沉醉東
風一閱云風過處香生宛宇雨收時翠濕琴
書核求小築峯幻出天然起倚闌干盡日披
圖說蓬萊本是虛只此是神仙洞府為一
時所稱

菩薩蠻

送春

曉鐘纔到春偏度一番日永傷遲暮誰送斷腸聲黃鸝
知客情 山光青黛濕仍帶傷春泣綠酒瀉杯心卷簾
空抱琴

王氏

亂仙

見沈宜修尹人思

秋波媚

流水東回憶故秋疎雨滴更愁雁來楚峽風淒江渚瘦
損輕柔誰憐絕世嬌愁在斜倚小粧樓備窺寶鏡淚
懸情眼恨鎖眉頭

沈靜筠

此仙

林下詞選吳江女士沈玉霞名靜筠呂元洲
室投後降此作鷓鴣天一闕云云

鷓鴣天

一片春光遍九宵這回風月也全消重來繡閣吟殘句
不數綵山弄玉簫身外事等閒拋萬層雲路碧迢迢
香南雪北何由見直比人間午夢遙

元妙洞天少女

詞統元之夢遊仙詞序云夏夜倦寢神遊異
境榜曰元妙洞天見少女獨立朗然歌謁金
門云云歌竟命侍兒傳語曰與君有緣今時
未至請辭遂翻然而醒

謁金門

閨情

真堪惜錦帳夜長虛擲挑罷銀燈情脉脉繡花無氣力
女伴聲停刀尺蟋蟀爭吟四壁自起捲簾窺夜色天

青星欲滴

鄭婉娥

女鬼

詞苑叢談吳江沈韶洪武初登琵琶亭月下
聞歌聲明日復往見一麗人曰妾偽漢婕妤好
鄭婉娥死葬于亭側為沈歌念奴嬌曰昨夜
郎所聞也

念奴嬌

離離禾黍嘆江山似舊英雄塵土石馬銅駝荆棘裏
閑遍幾番寒暑劍戟灰飛旌旗鳥散底處尋樓船
暗鳴叱咤只今猶說西楚
憔悴玉帳虞兮燈前掩淚雙鬢流
紅雨鳳輦羊車行不返九曲愁腸漫苦梅瓣凝粧
楊花翻雪回首成終古翠螺青黛絳仙慵畫眉嫵

翠微 女鬼

詞苑叢談嘉靖初清河邱生泊舟江陵有一女子自稱兩淮運使何公之妾翠微引生至一亭就枕臨別賦詞云云明日視之乃其墓也

憶秦娥

秋裏恩情無限天將曉天將曉漏窮難喚教人煩惱
郵亭一夜風流少匆匆後會應難保應難保最傷情

處殘雲風掃


王秋英 女鬼

詞苑叢談福清諸生韓夢雲嘉靖甲子過石湖山遇一女子自稱楚人王秋英從父德育宦闕遇寇石湖山投崖而死

瀟湘逢故人慢

春光將暮見嫩柳拖煙嬌花染霧頃刻間風雨把堂上
深恩閨中遺事鑽火留錫都付却落花飛絮又何心
擘榼提壺鬪草踏青盈路 子規啼蝴蝶舞遍南北山頭

紙錢綠醕奠一邱黃土歎海角飄零湘陰淒楚無主泉
扁也能得有情羅黍畫角聲吹落梅花又帶離愁歸去



王煥英

與發書風韻

明詞綜卷十二

